



Воиньн МОЛИТВОСЛОВШО

Йошкар-Ола
2024

*Йошкар-Олан да Марий Элын
Высокопреосвященнейший митрополитше Иоаннын
благословитлымыж почеш*



КРЕДАЛМАШ ДЕЧ ОНЧЫЧ ЛУДМО МОЛИТВА-ВЛАК

Ыреслан тропарь, 1-ше сем

Шочмо мланде верч молитва

Юмо, Шке калыкетым утаре, Шкендын чыла тўр-летланат порым пўрө, мыланна, чын верам пагалышылан, сенышашлык вийым пу, Ыресетын куатше дене калыкетым арален ашне.

Ыреслан кондак, 4-ше сем

Ыресыш шке кумылын нөлталтше Христос Юмо, Тыйын лүметым нумалше у калыкетлан Шке чаманы-машетым пу. Мемнам шке виет дене куандаре да тушман-шамычым сенаш полшо, вет тынысым аралаш да сеналтдыме лияш Тый мыланна Ыресым пуэнат.

Тропарь-влак, 6-шо сем

Куат-влакын Господьшо, мемнан дене лий: ойго го-дым Тый дечет вес Полшышына уке. Куат-влакын Господьшо, мемнам чамане.

Эй Юмо, мыйым шотлыдымо-шамычым судитле, мыйым сенгаш шонышо-шамычым сенге. Керде ден авыртышым нал да мылам полшаш шогал.

Юмын Эн святой Аваже, курымем мучко мыйым ит кудалте, енын аралымыжлан ўшанен, мыйым ит кодо, Шкеак мыланем полшо да серлаге.

Чыла ўшанымемат мый Тыланет пыштем, Юмын Аваже, мыйым Шке леведышет йымалне арален ашне.

Кредалмаш деч ончыч воинын лудмо молитваже-влак

Чыла айдемын пўрымашыжым Шке кидыштет кучышо куатле Юмо! Мыйын сулыкем-шамычым ушыштет ит кучо, тушманым сенгаш Шке куатет дене кўшыч пенгыдемде. Тушман деч лўдде, ўрын шогыде кредалаш мыланем чулым ушым, лўддымў шўмым пу, да мемнан воинствын священный хоругвийже йымалне кредалын, сарзе клятвылан мучаш марте ўшанле лиям. Господь, Тыйын лўмет верч каем, да Тыйын эрыкет шукталтше.

Юмын Эн святой Аваже, мемнам утаре!

Юмын святой Архистратигше Михаил, мыланна кредалаш полшо!

Аралыше святой Суксем, мемнан деч ит коран.

Чыла святой-шамыч, мемнан верч Юмым сўрвалыза!

Кредалмаш деч вара Господьлан таум ыштыме молитва

Господь Юмем, Тыланет таум ыштем, вет Тый мыйын, Шкендын йўрдымў кулетын, кумалмем колынат да

ўшанен пуымо пашам лўдде шуктымем годым шуко орлык коклаште арален коденат. Тыйын мучашдыме порылыкетым моктем да адак ўнышын сўрвалем: ончыкыжат мыланем Шочмо элнан ўшанле аралышыже лияш полшо да чыла осал деч утаре. Мыланна порым ыштыше Юмылан курым курымеш чап лийже! Аминь.

Юмын Эн святой Аважлан кондак, 8-ше сем
Сенгымашлан таум ыштыме муро

Юмым Шочыктышо Ёдыр, Тылат, чылам сенгыше Воеводылан, мемнам шыгыр гыч утарыметлан ме, Тыйын йордымё кулет-шамыч, таум ыштена да, Тыйым моктен, Сенгымаш мурым мурена. Тый сеныдыме виет дене мемнам керек-могай ойго гычын утаре. Меат Тыланет тыге каласена: о, Поро Яндар Ёдыр, йывырте.



ТУШМАН КЕРЫЛТМЕ ДА ОРЛЫК ГОДЫМ ЛУДМО МОЛИТВА

Тропарь, 4-ше сем

Христос Юмына, мыланна полшаш вашке, Тыйым мыскылыше да мемнам лүдыктылшö тушман-шамыч кидыш логалаш ит пу. Икте Айдемым йöратыше, Тый мемнан ваштареш кредалше-шамычым Шке Ыресет дене пытаре, да тек чылан палат: православный ең-шамычын ўшанышт Юмын Аван кумалмыж дене вашке шукталтеш.

Кондак, 8-ше сем

Тамыкым сенгыше, лүддымö аралыше Воевода да Господь, мый, Тыйын ыштыме енет да кулет, курымашлык колымаш деч утлен, Тыланет моктымо мурым мурем. Пеш чот чаманыше улмет дене чыла ойго гыч мыйым утаре, да Тыланет мурем: Юмын Эргыже Иисус, мыйым серлаге.

90-шо псалом

Күшылсын полшымыж дене илыше ең Пылпомышысо Юмын леведышыже йымалне лыплана, Юмылан

каласа: «Полшышем мыйын, Аралтышем мыйын, Юмо, Тый улат, мый Тыланет ўшанем». Тудо тыйым кучышо-шамычын опышышт гыч луктеш, аяр шомак дечат утара, Шке вачыж дене тыйым авыра, тый Тудын шулдыржо йымалне ўшанен илет, Тудын чынлыкше Тыйым саркурал дене авыра. Йўдым лўдыктышö дечат, кечывалым лўйымö чонештыше пикш дечат, Пычкемыште коштшо осал дечат, чер дечат, тура кечывалымсе ия дечат от лўд. Тыйын воктенет тўжем йөрлеш, пурла мogyрыштет лу тўжем йөрлеш, а тый декет огеш лишем. Шке шинчат дене ончет да сулыкан-шамычлан орлык лийшашым ужат. «Ўшанымем мыйын, Юмо, Тый улат» манынат да миен пурымо веретлан Кўшылсым ойыренат. Тыланет нимогай йөсат ок лий, тыйын капетлан нимогай сусырат ок тўкнө. Вет Юмо тыйын нерген Суксыжо-шамычлан кўшта: коштмо корныштет тыйым аралыкта. Тыйын йолет кў пелен шўртнымö дечын нуно тыйым шке кидышкышт нөлтал налыт. Аспид ден василиск кишкым тошкалат, левым да кугу кишкымат лаштыртет. «Мыланем ўшанымыжлан верч Мый тудым утарем, Мыйын лўмем палымыжлан верч Мый тудым левед аралем. Мыйым сөрвалымыж годым колыштам, орлыкшо годымат Мый тудын дене лиям, Мый тудым утарем да чапландарем, Мый тудым кужу ўмыраным ыштем да тудлан Шке утарымашемым ончыктем».

Господьын Кугун пагалыме Ыресшылан молитва

Юмо ылыж кынелже, Тудлан осалым шонышо-шамыч йомын пытышт. Тудым ужын кертдыме-шамыч

Тудын чурийже деч куржышт, шикш шаланыме гае шаланен пытышт; Юмым йӧратыше-влакын чурийышт да шкеныштым ыресын палыж дене ыреслыше-влак ончыч осал-шамыч тул дене шыште левыме гае колен пытышт. Юмым йӧратыше-влак йывыртен каласат: куане, Господьын Эн Чапле да Илышым ыштыше Ыресше, Тыйын пеленет пудалыме, тамыкыш волышо, диаволын куатшым пытарыше мемнан Господь Иисус Христосын куатше дене осалым поктен колто. Тудо вет мыланна Тыйым, Чот Жаплыме Шке Ыресшым, чыла тӱрлӧ тушманым поктен колташ пуэн. О, Господьын Кугун Пагалыме, Илышым ыштыше Ыресше, Святой Госпожа – Юмым Шочыктышо Ёдыр да чыла святой-влак дене пырля курымеш мылам полшо. Аминь.

Господьын Ыресшылан стихир-влак

Ырес дене аралалтын, тушман ваштареш шогена, тудын осалым шонымыжо да чоялыкше деч она лӱд: вет кугешныше ен яраш кодеш да Пушентгеш пудалыме Христосын куатше дене пытарыме лиш.

Господь, Тыйын Ыресет святитлалтын да сулыкыштан кӧра орланыше-шамычым паремда, сандене ончыкет толын сӧрвалена: мемнам серлаге.

Господь, Тый мыланна Шке Ыресетым – диаволым сеныше саркуралым – пуэнат: Ыресын куатше ўмбаке тудо ончалын ок керт да лӱдын чытыра: вет Ырес колымашым пытарен да колышо-шамычым ылыжтен кынелта. Сандене Тыйым тойымылан да ылыж кынелметлан сукен кумалына.

Шочмо эл да сарзе-влак верч молитва

Господь Юмо, кунам Моисей кидшым нӧлтал кумалын, Тый тудым колыштынат да Израиль калыкым Амалик ваштареш пенгыдемденат. Иисус Навин умбакыжат кредалже манын, кавасе кечылан чарнен шогалаш кӱштенат. Кучен Ашныше Господь, кызытсе сӧрвалымынам колышт. Шочмо элнам да сарзе-влакнам Шке куатет дене пенгыдемде, сарым чаре да тынысым кондо. Господь, полшышо кидетым кулет-шамычлан ужаш лийдымын шуялте. Православный вера да Шочмо эл верч сарыште вуйым пышташ пӱрымӧ-влакын сулыкыштым кудалте, чын судым ыштымет годым нунылан курымашлык вуйшӱдышым пу. Вет кучен ашнымаш, Кугыжаныш да куат Тыйын кидыштет, чыланат Тый дечет полышым налына, Тыланет ӱшанена да Тыйым моктена, Ачам, Эргым, Святой Шӱлышым, кызытат, керек-кунамат, курым-курым мучкак. Аминь.

Великомученик Феодор Стратилатын молитваже

Чот куатле Господь Юмо, чаманыметым вучышо-шамычым ит кодо, нунылан полшо! Мый декемат поро лий, осалын ондалымыж деч арале, тушман ончылно камвозаш огыл ыле, да мылам верч тудо ынже куане. Утарышем, Тыйын святой лӱмет верч кредалмашке пурем, Тый тушто пеленем лий. Тыйым йӧратымемлан кӧра Тыйын верч вӱр марте лӱддымын шогаш да чонным пуаш мыйым пенгыдемде, куатым пу, вет Шкеат, мемнам йӧратен, чонетым Ыресеш пыштенат. Аминь.

Сырен ылыше-влакын сӧрасымышт верч Господьлан молитва

Айдемым йӧратыше Владыко, Тый курым-влакын Кугыжашт, чыла порым Пуышо, ваш шогымаш пырдыжым корандыше, айдеме тукумлан тынысым кондышо улат. Кызытат Шкендын (*лӱм ден лӱм*) кулет-шамычлан тынысым пу, Юмо деч лӱдмашым шынгаре, икте-весым йӧратымым пенгыдемде: ваш сырыме тулым йӧртӧ, алгаштарымаш да умылыдымаш деч коранде. Тый вет мемнан тынысна улат, ме Тылат таум ыштена, Ачалан, Эргылан, Святой Шӱлышлан, кызытат, керек-кунамат, курым-курым мучкак. Аминь.

Господь деч чытымашым йодмо молитва

Чылажымат ӧрыктарен ыштыше да Айдемым йӧратыше Владыко, чот чаманыше Господь! Сулыкан кумалмашем деч ит йырне манын, ойган шӱм дене Тыйым ӱнышын сӧрвалем. Нелын шӱлалтымем да шинчавӱдем уж, Хананей ӱдырамашым колыштмет гаяк мыйымат колышт, яжар ӱдырамаш семынак ит шӱкал. Мыланемат, сулыканлан, Айдемым йӧратыметын кугу суапшым ончыкто. Шке леведышет дене авыре, чамане да пенгыдемде. Тыйын колтымо чыла ойго ден орлыкым мыланем тауштен, курымашлык куанлан ӱшанен, чыташ лийже. Ойгемым йывыртымашке савыре, тунам мый, йӧрдымӧ айдеме, ӱшаным ом йомдаре да пытымашке ом шу. Христос Юмо, Тый мыланна чаманымашын памашыже, утаралтмашын чын ӱшанже улат, сандене Тыйым тӱнгалтышдыме Ачат да Эн

святой, Поро да Илышым пуышо Шүлышет дене пыр-ля эре моктена, кызитат, керек-кунамат, курым-курым мучкак. Аминь.

Алгаштарымаш але ойго годым преподобный Симеон Новый Богословын молитваже

Кучен ашныше Господь, мыланем чытен керташ лийдыме алгаштарымашым, ойгым але черым ит пу, тыгай деч мыйым утаре але тауштен чыташ ситыше пенгыдылыкым пу.

Шужымаш годым пророк Илиалан молитва

Моктымо Илия, тый кап дене суксо, пророк-влакын негызышт, Христос толшаш деч ончыч кокымшо Предтече улат. Кугу шужымаш годым тый сарептысе тулыкватым Суксо-шамычын кондымо кочкыш дене пукшенат. Кызыт шкеак мыланна, тыйым пагалыше-влаклан, поро кумылан пукшышо лий.

Сулыкым касарен шуктыде, Святой Причастий деч посна вучыдымын колымо деч великомученице Варварам сөрвалат, тудлан молитва 40 стр. лиеш.



ЭР МОЛИТВА-ВЛАК

Ачан, Эргын, Святой Шүлышын лүмеш. Аминь.

Господь Иисус Христос, Юмын Эргыже, Пеш Яндар Шке Аватын, чыла святой-шамычынат кумалмышт верчын мемнам серлаге. Аминь.

Тау Тыланет, мемнан Юмына, тау Тыланет.

Святой Шүлышлан молитва

Пылпомышысо Кугыжа, Чынлан туныктен йывырытыктыше Шүлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, көргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

Трисвятой

Святой Юмо, Святой Куатле, Святой Колыдымо, мемнам серлаге *(онгым ыреслен, 3 гана кумалына)*.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Эн святой Троицылан молитва

Эн святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан

осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге (3 гана).

Тау Ачалан, Эрғылан, Святой Шүлышлан, кызытат, керек-кунамат, курым-курым мучкак. Аминь.

Господь Юмылан молитва (Отче наш)

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде ўмбалнат пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Троичный тропарь-влак

Поро Юмо, мален кынелмекына, ме Тыланет сукен кумалына. Кугу куатан Юмо, ме Тыланет суксо мурым мурена: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Тау Ачалан, Эрғылан, Святой Шүлышлан.

Юмо, Тый мыйым вакшыш гыч, малыме верем гыч кынелтышыч, ынде мыйын ушем ден шүмем яндарым ыште, мыйын умшам поч; вара, Святой Троице, мый Тыланет мурем: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Кызытат, керек-кунамат, курым-курым мучкак. Аминь.

Вучыдымо годым Юмо судитлаш толеш, керек-көнат пашаже койын шогышо лиеш. Туддеч лүдын,

пелйүдым кынелын сөрвалена: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Юмо, серлаге *(12 гана)*.

Эн святой Троицылан молитва

Святой Троице, мален кынелмекем, мый Тыланет таум ыштем. Тый шуко порылыкет, шуко чытышет дене мыйын өрканымемлан, языкемлан шыч шыдешке, закондымо паша-шамычем верчынат мыйым шыч йомдаре. Эре айдемым йөрәтен шогыметым веле ончыктен, мыйым, шижде кийышым, Тыйын кучышетым эрдене кумалын мокташ кынелтышыч. Тыйын мутетлан тунемаш, Тыйын күштыметым умылаш, Тыйын эрыкетым шукташ ынде кызыт мыйын ушем шинча гае поч, мыйын йылмем лывырте; вара мый Тыйын нерген көргө шүмем дене мурем, Тыйын чыла деч коч Святой лүметым мурен чапландарем: Ачаным, Эргыным, Святой Шүлышыным, кызытат, керек-кунамат, курым-курым мучкак. Аминь.

Толза, мемнан Ашныше Юмылан кумалына *(онгым ыреслен кумалына)*.

Толза, мемнан Ашныше Христос Юмылан сукен кумалына *(онгым ыреслен кумалына)*.

Толза, мемнан Ашныше Христос Юмылан Шкаланжак сукен кумалына *(онгым ыреслен кумалына)*.

50-ше псалом

Эй Юмо, Шкендын кугу кумылет дене мыйым серлаге да шуко порым шонымет дене осалем дечын мый-

ым эрыкте. Осалем дечын чарныдеак мушкын, языкем дечын мыйым эрыкте. Вет осалым ыштымем мый шинчем, да мыйын языкем эре ушыштемак коштеш. Тыйын ончылнет языкым ыштенам да Тыйын шинчат ончылно осал пашам ыштенам, Тыйын каласымет раш да языкем верчын мыйым судитлымет төрак. Вет авам мыйым языкеш иландарен, да мый шочмем годымак яндар шочын омыл. Тый чон дене көргыштө төр шонымым йөрәтәт: пален шуктыдымо Тыйын законетым мыланем умылтарен туныкто. Тый иссоп выньык дене мыйын үмбакем шыжыкте да мыйым эрыкте, мыйым мушкын, лум дечат чот ошым ыште. Куанышашлык да йывыртышашлык шомакым мыланем колыкто: Тый дечат лүдшө луэм йывыртыкте. Мыйын языкем-шамычым Тыйын шинчат ынже ончал, да чыла осалым ыштымем деч мыйым эрыкте. Эй Юмем, мыйым яндар шүманым ыште да мыйын көргыштем чын шүлышым уэмде. Чурий ончычет мыйым ит кудалте да мый дечем Святой Шүлышетымат шупшын ит нал. Утаралтшашым да йывыртышашым мыланем пу да Ашныше Шүлышет дене мыйым пенгыдемде. Осалым ыштыше-шамычым Тыйын корнетлан туныктынем, да языкан-шамыч Тый декет савырнат. Юмем, вүр йоктарыме орлык дечын мыйым утаре. Утарыше Юмем, мыйын йылмем Тыйын чын оетлан куана. Господь, мыйын умшам почат гын, Тыйын кугу лүметым чапландарем. Надырым налмет шуэш гын, пуэм ыле, но йүлалтен пуымо жертвым Тый от йөрәте. Юмылан надыр – ойгырышо шүлыш, ойгырышо да үнышө шүмым Юмо

изиеш ок пыште. Эй Юмо, Шке порылыкет дене Сион калыклан порым ыште, да Иерусалим олан пырдыжше тек нөлталалтеш. Тунам чынын надыржым, нөлтал пуымым да чыла йўлалтымым йөратен налат; тунам Тыйын алтарет ўмбаке презе-шамычым пыштат.

Ўшанымашын символжо

¹ Инанем чыла кучен Ашныше ик Ача Юмылан, пылпомышым, мландым, чыла ужмынам да уждымынам Пўрышылан. ² Юмо дечын шочшо Иктак веле Юмын Эргыже Господь Иисус Христослан, чыла курым дечат ожно улшо Ача Юмо дечын шочшылан. Волгыдогычын лекше Волгыдо улмыжлан. Чын Юмо дечын шочшо пўрыдымө чын Юмо улмыжлан, Ачаж дене иктак улмыжлан, Тудын чыла пўрымыжлан. ³ Мемнан верчна, айдеме-шамычым, мемнам, утарышаш верч, Пылпомыш гычын волен, Святой Шўлышын куатше дене Мария лўман Ўдыр дечын капан айдеме лиймыжлан инанем. ⁴ Понтий Пилат улмо годым мемнан верчна ыресеш пудалалтме орлыкым чытен колымыжлан, тойымылан, ⁵ Юмын законышто каласыме гаяк, кумшо кечын ылыж кынелмыжлан. ⁶ Пылпомышко кўзен каен, Ача Юмын пурла могыреш шичмыжлан инанем. ⁷ Илыше айдеме-шамычым, колышо айдеме-шамычы-мат судитлаш кугу чап дене вес гана толшашыжлан, Тудын Кугыжанышыже пытышашлык огыллан. ⁸ Адак Святой Шўлышын Илымашым пўрышө Юмо улмыжлан, Ача Юмо гычын лекмыжлан. Ача да Эрге Юмо дене иквереш моктен кумалаш кўлмылан. Пророк-ша-

мыч гоч Тудын ойлымыжлан. ⁹ Апостол-шамычын мланде ўмбалне чыла иктеш туныктен кодымо Святой Черкылан. ¹⁰ Язык гычын эрыкталтшаш верч ик гана веле тынеш пурышашлан инанем. ¹¹ Ўшанен вучем колышо айдеме-шамычын ылыж кынелшашыштым, ¹²курумеш ылышашымат. Аминь.

1-ше молитва – святой Макарий Великийын

Утарыше Юмо, мален кынелмекем, мый Тыланет пелйўд мурым мурен кумалам, сукен возын сўрвалем: мыйын малымем годым языкем дене колаш эрыкым ит пу. Шке эрыкет дене пудалалтше, мыланем Шке шуко порылыкетым пу, мыйым ўрканен кийыма гыч куштылгын кынелте, Тыйын ончылнет шогымаштат, кумалмаштат мыйым утаре; Христос Юмо, йўд омо деч вара мыланем языкдыме кечым волгалтаре, мыйым утаре.

2-шо молитва – тудо святойынак

Айдемым йўратыше, Ашныше Юмо, мален кынелмеке, польшым мый Тый дечет йодам, Тыйын поро кумылет дене, Тыйын пашатым ышташ шонен, Тыйым сўрвалем: чыла жапыштат, чыла пашаштат мыланем полшо, тўнямбалысе тўрлў осал дечын мыйым утаре. Иян ондалымыж дечат арале, Шке курымаш Кугыжанышышкет пурто. Тый мыйым Шке пўренат, Тый чыла сайлан Туныктен шогышо да Пуышо улат, мыйын чыла ўшанымашем Тый улат. Тыланет таум ыштем кызытат, керек-кунамат, курым-курум мучкак. Аминь.

3-шо молитва – тудо святойынак

Господь Юем, Тыйын шуко порылыкет да шуко чаманымет дене кодшо йӱд жапым осал толаштарыме деч посна эрташ мыланем пуэнат; Тый Шке, чыла Пӱрышӧ, Ашныше Юмо, чын волгыдет дене да яндарештше шӱмем дене Тыйын эрыкетым шуктен шогаш полшо, кызытат, керек-кунамат, курым-курым мучкак. Аминь.

Святой Василий Великийын молитваже

Чылам кучен Ашныше Господь, тӱрлӧ капанын да куат-влакын Юмыжо, кӱшнысӧ илыше да шкеныштым изилан ужо-влакымат ончышо, шӱм-чоным тергыше, айдемын кӧргӧ шонымашыжым ончылгочак палыше, Тӱналтышдыме да Пытыдыме Волгыдылык, Тудын вашталтышыже уке. Колыдымо Кугыжа, кызытсе жапыште кумалмынам шуко порылыкет дене Шкеак йӱратен нал, шакше умшана дене йодына: паша дене, шомак да шонымаш дене, пален да палыде ыштыме языкнам кудалте; тӱрлӧ лавыра деч мемнан чоннам, капнам эрыкте. Эре ямде лийше шӱм дене, айык шонымаш дене кызытсе илышын пычкемышыжым эрташ Тыйын Ик шочмо Эргыч, Господь да Юмо, да мемнам Утарыше Иисус Христосын волгыдо да чылалан палыме кокымшо гана толшаш кечыжым вучышо-влаклан пу. Тудо кечын кажныжлан пашаж дене пуаш чылам Судитлыше чапше дене толеш; да языкланыде, йолагайыш кайыде, но эре ямде лийын шоген, Юмын Куанже дене тема да Тудын чап пӧртышкыжӧ

пурена. Тушто пайремлыше-влакын чарныдыме йўкышт шокта, да Тыйын чуриетын каласен моштыдымо порылыкшым ончышо-влаклан каласен моштыдымо куан лиеш. Тый вет чын Волгыдо улат, чылам волгалтарыше да святитлыше, да илаш пўрымö чыла чонанже Тыйым моктен мура да чапландара курым-курым мучкак. Аминь.

Аралыше Суксылан молитва

Мыйын осал чонем воктене да вожылдымын илымаштем шогышо святой Суксо, чытыде илымемлан верчын мыйым кудалтен ит кодо, мый дечем, языкан деч, ойырлен ит кае, колышашлык тиде капем осал иялан кидышкыже виеш налаш эрыкым ит пу; орлыкым чытыше осал кидемат куатаным ыште, утаралтшашлык корнылан мыйым туныкто. Мыйын осал чонем ден капемат левед оролышо Юмын святой Суксыжо, тиде илымаштем кажне кечын тыйым сырыктымем, эртыше тиде йўдым ыштыме языкемат чыла кудалте, проститле, таче кечын мыйым левед, иян чыла тўрлö осалышке пуртымыж дечын мыйым арале, нимогай язык денат Юмым сырыкташ ынже лий, Юмо дечын лўдын, Юмылан йөршын сайын илаш мыланем куатым пуыжо манын, мыйын верчем Юмылан кумал. Аминь.

Юмым Шочыктышо Эн святой Авалан молитва

Юмым Шочыктышо Эн святой Ава, Шкендын пеш куатан святой кумалмет дене мыйын, ўнгышö да осал айдеметын, йёрдымö көргем гыч, пычкемышалтше

ушем гычат ойгым, мондымым, умылен моштыдымым, өрканымым, чыла түрлө шапшак, осал да мыскылтыш шонымым поктыл колто. Вожылмаш пашалан ылыжмем йөртө, вет мый күчызө да шудалме улам. Шуко түрлө да вожылтарыше шарнымаш, осалым ышташ шонымо да түрлө осал паша деч мыйым утаре. Чыла тукум дечат утла Тый эн поро пүрымашан улат, Тыйын чапле лүмет курым-курым мучкак мокталтеш. Аминь.

**Святой угодниклан (көн лүмжым нумалына)
МОЛИТВА**

Юмылан йөрышө святой (*лүмжө*), Тый мыланем вашке полшышо, чонем верчынат кумалше улат. Сандене мый Тыйым уло чонем дене йодам: мыйын верчем Юмым сөрвале.

Юмын Эн святой Аважлан муро, 4-ше сем

Юмым Шочыктышо Ёдыр, йывырте, Поро Пүрымашан Мария, Тый денет Юмо; чыла ёдырамаш дечат утла Тый поро пүрымашан улат, Тый дечет Шочшат поро пүрымашан, вет мемнан чоннам Утарышым Тый шочыктенат.

Ыреслан тропарь, 1-ше сем

Шочмо мланде верч молитва

Юмо, Шке калыкетым утаре, Шкендын чыла түрлетланат порым пүрө, мыланна, чын верам пагалышылан, сенышашлык вийым пу, Ыресетын куатше дене калыкетым арален ашне.

Илыше-влак верч молитва

Юмо, мыйын духовный ачам (*лүмжө*), ача-авам, родо-тукуйем, туныктышем, поро ыштыше-влакым (*лүмышт*) да Юмылан чыла инаныше-влакым утаре да серлаге.

Колышо-влак верч молитва

Господь Юмо, колышо чыла Шке тарзет-влакын чоныштым тынысландаре: ача-аванан (*лүмышт*), родо-тукуйман (*лүмышт*), поро ыштыше-влакнан (*лүмышт*) да чын верам кучышо чыла енын эрык дене, эрык деч посна ыштыме түрлө языкыштым кудалтен, Шке Кугыжанышышкет пуртен ашне.

Пытартыш молитва (*Достойно есть*)

Тыйым, мемнан Юмым Шочыктышо Авам, Сулыкдымым, курым-курымак Пиаланым, чынак мокташ кӱлеш. Херувим-шамыч дечат утла пагалышашлык лийынат, Серафим-шамыч дечат танастарыдыме чапле лийынат, Тыйым, чынак Эрге Юмым языкдеак шочыктышо Авам, кугу улат манын моктена.

Тау Ачалан, Эргылан, Святой Шӱлышлан, кызытат, керек-кунамат, курым-курым мучкак. Аминь.

Юмо, серлаге (*3 гана*).

Господь Иисус Христос, Юмын Эрге, Эн яндар Тыйын Аватын, преподобный да Юмым шке кӱргыштышт нумалше ача, да чыла святой-влакын кумалмышт дене мемнам серлаге. Аминь.



КАС МОЛИТВА-ВЛАК

Ачан, Эргын, Святой Шүлышын лүмеш. Аминь.

Господь Иисус Христос, Юмын Эрге, Эн яндар Тыйын Аватын, преподобный да Юмым шке көргыштышт нумалше ача, да чыла святой-влакын кумалмышт дене мемнам серлаге. Аминь.

Тау Тыланет, мемнан Юмына, тау Тыланет.

Пылпомышысо Кугыжа, Чынлан туныктен йывырттыктыше Шүлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, көргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

Святой Юмо, Святой Куатле, Святой Колыдымо, мемнам серлаге *(онгым ыреслен, кум гана кумалына)*.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Эн святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге *(3 гана)*.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Господь Юмылан молитва (Отче наш)

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде ўмбалнат пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Тропарь-влак, 6-шо сем

Мемнам серлаге, Юмо, мемнам серлаге; ме, сулыкан-шамыч, шкенам чыныш лукташ ик мутымат пуэн огына керт да мемнам Ашнышым тыге манын сөрвалена: Юмо, мемнам серлаге.

Тау Ачалан, Эргылан, Святой Шўлышлан.

Юмо, мемнам серлаге, ме Тыланет ўшанен илена, мыланна чот ит шыдешке, закондымылыкнам ушыштет ит кучо, Шке поро шўман улмет дене кызытат мемнам чаманен ончо, тушман-шамыч деч утаре; Тый мемнан Юмына улат, ме Тыйын айдемет-шамыч улына, чыла Тыйын пўрымет-шамыч улына, Тыйын лүметым каласен йодына.

Кызытат, керек-кунамат, курым-курым мучкак. Аминь.

Юмым Шочыктышо поро пўрымашан Ёдыр, чаманымаш кумылетым мыланна поч, мемнам, Тыланет ўшаныше-шамычым, ит йомдаре, Шке полшен, ойгына гыч утаре. Христослан ўшанен илыше калык-шамычым утарыше Тый улат.

Юмо, серлаге (*12 гана*).

Ача Юмылан святой Макарий Великийын молитваже

Курымаш Юмо да чылам пүрышö Кугыжа, тачысе кече марте илаш пуэнат! Кудалте мыйын языкем-шамычым, кудым мый тиде кечын паша дене, шомак да шонымаш дене ыштенам. Господь, мыйын үнышö чонемым капкылын да чонын түрлö лавыраж деч эрыкте. Юмо, мыланем толшаш йүдым сайын да ласкан эртараш пу, да шкемын нужна малыме верем гыч кыналын, шкемым илыме чыла кечыштемат Тыйын Эн святой Лүметлан йöрышым ыштем да мыйын үмбакем кержалтше капан да капдыме тушман-влакым сенем. Юмо, амыртыше күлдымö шонымаш деч да шала койыш деч мыйым утаре. Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак. Аминь.

Мемнан Господь Иисус Христослан святой Антиохын молитваже

Чылам кучен Ашныше Ачан Мутшо, Иисус Христос, Шке чыла ситарыше, Тыйын шуко чаманымет дене нигунамат мый дечем, шке кулет деч, ит коран, но эре мыйын көргыштем лий. Иисус, Тыйын шорыкет-влакын поро күтүчыжö, ваштареш шогалше кишкылан мыйым ит пу да сатанан шонымашыжлан мыйым ит кодо, вет мыйын көргыштем колымашын пырчыже уло. Господь Юмо, Тыланет кумалына, Святой Кугыжа, Иисус Христос, чарныде йүлышö волгыдет дене, Тыйын Святой Шүлышет дене малымем

годым мыйым арале. Юмо, мыланемат, Тыйын ни-
молан йӧрдымӧ кулетлан, мыйын малыме верыштем
Шке утарымашетым пу; Тыйын святой Евангелиетым
умылымашын волгыдыж дене мыйын ушем волгалта-
ре, мыйын чонем Тыйын Ыресетым йӧратымаш дене
авалте, шӱмем Тыйын яндар шомакет дене, мыйын
капем Тыйын Шке кумылын, ӧпкелалтде орланымет
дене волгалтаре, мыйын шонымашем Тыйын ӱнгышет
дене арале да мыйым кӱлешан жапыште Тыйым ча-
пландараш кынелте. Вет Тый Тӱналтышдыме Тыйын
Ачат дене да Эн святой Шӱлышет дене курымеш ку-
гун чапландарыме улат. Аминь.

Эн святой Шӱлышлан молитва

Господь Юмем, Пылпомышысо Кугыжа, Чынлан ту-
ныктен йывыртыктыше Шӱлыш, Тыйын языкан айде-
метым, мыйым, чамане да серлаге, да тиде кечыште
айдеме семын, да эше айдеме семын веле огыл, вольык
деч ударак койышым ончыктен, шке эрык дене, эрык
деч посна, пален да палыде ыштыме, кудыжым изиём
годсек да осал туныктымаш верч, кудыжым вожыл-
дымаш да ӱшаным йомдарымаш верч ыштыме язы-
кем-шамычым касарен колто. Але Тыйын лӱмет дене
товатленам, але шке шонымаштем Тудым мыскыленам,
але иктаж-кӧлан ӧпкелен каласенам, але иктаж-кӧн
лӱмжым сырымем дене амыртен каласенам, але ой-
гандаренам, але иктаж-молан сыренам, але ондале-
нам, але жап деч утым маленам, але мый декем толшо
кӱчызым ончен омыл, але шке изамым ойгандаренам,

але вурседылмашым тарватенам, але иктаж-кӧм вурсенам, титакленам, але шкемым кугуэш ужынам, але кугешненам, але шыдешкенам, але кумал шогымым годым ушем дене тӱнжесе ондалымаш нерген шоненам; але шакше шонымашем лийын, але утым кочкинам, але утым йӱынам, але уш деч посна воштылынам, але осалым шоненам, але енын порыжым ужын, шӱмышкем кӧранымаш пурен, але кӱлдымашым ойленам, але иза-шольо-шамычын языкыштым воштылынам, а вет шкемын языкемже шотлен пытарыдыме, але ӧрканен кумалынам, але моло осал пашам ыштенам, кудыштым монденам, чыла ниным ыштенам, да тиддечат шукурак ыштенам. Чыла Кучышо, мыйым Пӱрышӧ Юмем, ушаным йомдарышым да нимолан йӧрдымӧ Тыйын айдеметым чамане да кодо, да колто, да мыйым серлаге, Тый вет поро да Айдемым йӧратыше улат, да тыныс дене возам, мален колтем да канем, курваланыше, языкан да нимолан йӧрдымӧ, да сукен кумалам, мурем, да Тыйын эн сай лӱметым Ача да Тудын Ик шочмо Эргыж дене пырля чапландарем, кызытат, керек-кунамат, курым-курым мучкак. Аминь.

Молитва

Поро да Айдемым йӧратыше мемнан Господь Юмына, тачысе кечын мут дене, паша дене ыштыме языкем проститле. Ласка да тыныс омым мыланем пу. Чыла осал деч аралаш святой Суксетым мыланем колто. Тый вет чонем ден капемым аралыше улат, Тыланет таум ыштена, Ачалан, Эргылан да Святой Шӱлышлан, кызытат, керек-кунамат, курым-курым мучкак. Аминь.

**Святой Иоанн Златоустын молитваже
(кечын да йӱдын шагатше улмо семын 24 молитва)**

¹ Юмо, пылпомышысо Шке порылыкет дечын мыйым ит кодо. ² Юмо, курымаш орлык дечын мыйым утаре. ³ Юмо, уш дене, шонымаш дене, шомак да паша дене ыштыме языкем кудалте. ⁴ Юмо, мыйым палыдымаш да мондымаш деч утаре, чон нужналыкым коранде, пешкыде кумылем пушкыдемде. ⁵ Юмо, керек-могай алгаштарымаш дечын мыйым арале. ⁶ Юмо, осал шонымаш дене пычкемышалтше шӱмем волгалтаре. ⁷ Юмо, мый сулыкан айдеме улам, Тый чаманыше Юмо улат, мыйын вийдыме чонемым ужын, мыйым серлаге. ⁸ Юмо, мыланем Тыйын святой лӱметым моктышашлык поро пашам ышташ вийым пу. ⁹ Иисус Христос, курымаш илыш книгаш мыйым, Шке кулетым, возо, порын колышашым мыланем пу. ¹⁰ Господь Юмем, Тыйын ончылнет ыштыме мыйын ик поро пашамат уке, Тый мыланем поро кумылет дене поро пашам тӱнгалаш вийым пу. ¹¹ Юмо, мыйын кумылем Шке поро кумылет дене пушкыдемден святитле. ¹² Пылпомышым, мландым Пӱрышӧ Юмо, мыйым, сулыканым, вожылтарымым шонышо шакше кулетым, Шке Кугыжанышыштет ит мондо. Аминь.

¹ Юмо, языким касарыктымем колышт. ² Юмо, мыйым ит кудалте. ³ Юмо, шыгырыш мыйым ит пурто. ⁴ Юмо, сай шонымашым мыланем пу. ⁵ Юмо, колышашлыкем ушышкем пурто, шинчавӱдым пу да кумылем пушкыдемде. ⁶ Юмо, сулыкем касараш мыланем шонымашым пу. ⁷ Юмо, мыйым ӱнгышемде, яндар кумы-

ланым, кўштыметым колыштшым ыште. ⁸ Юмо, мыйым чытышым, сай чонаным, ўнышым ыште. ⁹ Юмо, мыйын көргышкем чыла порылыкын вожшым, Тый дечет лўдмашым шўмышкем шындаре. ¹⁰ Юмо, уло чонем дене, уло ушем дене Тыйым йөрәтен, чыла пашам кўштымет семын ышташ вийым пу. ¹¹ Юмо, мыйым осал ең-шамыч деч, ия-шамыч деч, шакше шонымаш деч, керек-могай йөрдымө паша дечын арале. ¹² Юмо, Тый Шке кузе шинчет, кузе шонет, туге ыштет, мый денемат, языкан дене, Тыйын эрыкет лийже ыле. Тый курым-курым мучко моктымо улат. Аминь.

Юмым Шочыктышо Эн святой Авалан молитва

Поро пиалан Кугыжан поро пиалан Аваже, Эн яндар да Порылан пўралтше Мария, Тыйын Эргычын да мемнан Юмынан чаманымыжым мыйын орланыше чонышкем оптал, Тыйын кумалмет дене мыйым поро пашалан кумылан ден шого, да моло илышаш кече-влакым язык деч посна эртем да Тыйын полшымет дене райым муам, Юмым Шочыктышо Ёдыр, Икте Яндар да Порылан пўралтше.

Аралыше святой Суксылан молитва

Христосын Суксыжо, тый мыйым аралыше святой, мыйын чонем ден капем левед коштышо улат; мыйын таче ыштыме языкым-шамычым чылажымат кудалте, осал тушманын чыла түрлө ондалымаш гычше мыйым утаре, ик языкым денат Юмем сырыктышашем ынже лий. Мый языкан да йөрдымө кулет улам гынат, мыйын верчем сөрвале; Пеш святой Троицын, Господь

Иисус Христосын Аважын, чыла святой-шамычынат чаманымыштым, порыштым ужаш йӧрышым ыште. Аминь.

Юмын Авалан кондак, 8-ше сем

Юмым Шочыктышо Ёдыр, Тылат, чылам сенгыше Воеводалан, мемнам шыгыр гыч утарыметлан ме, Тыйын йӧрдымӧ кулет-шамыч, таум ыштена да Тыйым моктен, Сенымаш мурым мурена. Тый сенгыдыме виет дене мемнам керек-могай ойго гычын утаре. Меат Тыланет тыге каласена: о, Поро Яндар Ёдыр, йывырте.

Христос Юмынан Аваже, Эре Яндар, Пеш чапле Ёдыр, кумалмынам Шке Эргычлан, мемнан Юмыланна, намиен шукто, Тыйын верчет мемнан чоннам утарыже ыле.

Чыла ўшанымемат мый Тыланет пыштем, Юмын Аваже, мыйым Шке леведышет йымалне арален ашне.

Юмым Шочыктышо Ёдыр, мыйым, языканым, Тый дечет польшым да Тыйын аралтышетым йодшым, ит шўкал, Тыланет вет мыйын чонем ўшана, мыйым чамане.

Святой Иоанникийын молитваже

Мыйын ўшанымашем Ача, мыйын тынысле аралтышем Эрге, мыйым леведшем Святой Шўлыш, Святой Троице, тау Тыланет.

Тыйым, мемнан Юмым Шочыктышо Авам, Сулыкдымым, курым-курымак пиаланым, чынак мокташ кўлеш. Херувим-шамыч дечат угла пагалышашлык лийынат, Серафим-шамыч дечат таңастарыдыме

чапле лийынат, Тыйым, чынак Эрге Юмым языкдеак шочыктышо Авам, кугу улат манын моктена.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Юмо, серлаге *(3 гана)*.

Господь Иисус Христос, Юмын Эрге, Эн яндар Тыйын Аватын, преподобный да Юмым шке көргыштышт нумалше ача, да чыла святой-влакын кумалмышт дене мемнам серлаге. Аминь.

Шкендым ыресле, шке ыресетым шупшал, ныл могырыш ыресле да Кугун пагалыме Ыреслан молитвам луд:

Юмо ылыж кынелже, Тудлан осалым шонышо-шамыч йомын пытышт. Тудым ужын кертдыме-шамыч Тудын чурийже деч куржышт, шикш шаланыме гае шаланен пытышт; Юмым йоратыше-влакын чурийышт да шкеныштым ыресын палыж дене ыреслыше-влак ончыч осал-шамыч тул дене шыште левыме гае колен пытышт. Юмым йоратыше-влак йывыртен каласат: куане, Господын Эн чапле да Илышым ыштыше Ыресше, Тыйын пеленет пудалыме, тамыкыш волышо, диаволын куатшым пытарыше мемнан Господь Иисус Христосын куатше дене осалым поктен колто. Тудо вет мыланна Тыйым, Чот жаплыме Шке Ыресшым, чыла түрлө тушманым поктен колташ пуэн. О, Господын Кугун пагалыме, Илышым ыштыше Ыресше, Святой Госпожа – Юмым Шочыктышо Ёдыр да чыла святой-влак дене пырля курымеш мылам полшо. Аминь.

Але кўчыкын:

Юмо, Кугун пагалыме да Илышым пуышо Шке Ёресетын куатше дене мыйым йыр авыре да чыла тўрлў осал дечын арале.

Молитва

Юмо, эрык але эрык деч посна, мут але паша дене, шинчен але шинчыде, кечывалым але йўдым, уш але шонымаш дене ыштыме мемнан сулыкнам лушкыдемде, кудалте, касаре: чылажымат касаре мыланна, Тый вет Айдемым йўратыше поро кумылан Юмо улат.

Малаш вочмо деч ончыч ойло:

Господь Иисус Христос, мыйын Юмем, Тыйын кидышкет шке шўлышем пуэм. Тый мыйым благословитле, Тый мыйым серлаге да курымаш илышым мыланем пу. Аминь.



СВЯТОЙ ПРИЧАСТИЙЛАН ЯМДЫЛАЛТМЕ МОЛИТВА-ВЛАК

Святой Иоанн Златоустын I молитваже

Юмо, эрык але эрык деч посна, мут але паша дене, шинчен але шинчыде, але шонымаш дене ыштыме мемнан сулыкнам лушкыдемде, кудалте, касаре: чылажымат касаре мыланна, Тый вет Айдемым йöратыше поро кумылан Юмо улат. Эн яндар Тыйын Аватын, Тыланет служитлыше Пылпомышысо капдыме куат-влакын да чыла курым годсек Тыланет йöрышö чыла святой-влакын сөрвалымышт дене мыланемат Тыйын святой да эн яндар Капет ден шергакан Вүретым көргышкем сулыкыш пурыде налаш пу. Тудо капем ден чонемлан паремаш, осал шонымаш деч эрыкталташ полшыжо, вет Тыйын Кугыжанышет, куатет да чапет Тыйын Ачат да Святой Шүлышет дене пырля, кызытат, керек-кунамат, курым-курым мучкак. Аминь.

Святой Иоанн Златоустын II молитваже

Кучен Ашныше Господь, мый палем: чонемын леведышыже йымаке Тыйым пурташ йöрдымö улам. Айдемым йöратыше улметлан көра мыйын көргыштемат

илаш шонымет верч Тый декет лишемаш тоштам. Тый кўштет да мый Тыйын Иктын ыштыме омсамым почам. Тый Шкендын айдемым йөратымет дене пурет, пурет да мыйын пычкемышалтше ушемым волгалтарет. Тый тидым ыштет манын, мый ўшанем. Тый вет шинчавўд дене сөрвален толшо яжар ўдырамаш деч коранын отыл, сулыкшо верч өкынышө мытарьым шўкалын отыл, Тыйын Кугыжа улметым палыше разбойникым коранден отыл, ўшаныше-влакым поктылшо еным шке сулыкшо верч өкынымыжлан көра вашталтенат, ончычсыж гайым коден отыл. Шке сулыкышт верч өкынен Тый декет толшо-влаклан Шке йолташет-влак коклаште верым пуэнат да икте Моктымо улат, кызытат, керек-кунамат, курым-курым мучкак. Аминь.

Святой Иоанн Златоустын III молитваже

Господь Иисус Христос, мыйын Юмем, чамане мыйым да самырык жап гыч тўнгалын кызыт марте Тыйын ончылнет ыштыме чыла сулыкем луштаре, колто, протитле. Мыйын, Шкендын сулыкан да йёрдымө култын, пален але палыде, мут але паша дене, шонымашем але койыш-шоктышем да чыла шижмашем дене ыштыме йонгылышем, сулыкем, сулыкан камвочмем касаре. Тыйын эреак Ўдыр улшо Эн яндар Аватын, мыйын пенгыде ўшанемын, аралышемын, утарышемын, сөрвалымыже дене мыланем Тыйын илышым пуышо да лўдыкшө Таинстветым көргышкем налаш пу. Тиде мыланем сулыкем касарымылан, курымаш илышлан, святитлалташ, волгалташ, пенгыдемаш, чонем ден капемлан паремаш, чыла осал шонымашем

деч утлаш да пычкемыш осал шўлыш-влакын йўдым кончымыштым пытараш лийже.

Тыйын вет Кугыжанышет, куатет, кугу чапет, Тыйым пагалымаш да кумалмаш Тыйын Ачат да Святой Шўлыш дене пырля, кызытат, керек-кунамат, курым-курым мучкак. Аминь.

Святой Иоанн Златоустын IV молитваже

Господь, Тыйын чынжымак Христос улметлан да Илышым пуышо Юмын Эргыже улметлан инанем да чылашт ончылно ойлен палдарем: Тый мландымбаке языкан ен-шамычым утараш толынат, нунын коклаште эн языканже мый улам. Тиде Тыйын Эн яндар Капет улмылан да тиде Тыйын эн яндар Вўрет улмылан инанем. Сандене Тыйым сөрвалем: серлаге мыйым да мыйын эрык дене але эрык деч посна, мут але паша дене, пален але палыде ыштыме чыла языкем касаре, да чыла языкем касаралтше манын, Тыйын эн яндар Таинстветым титакыш пурыде подылаш мыланем пўрө, курымашлык илышлан йөрышым ыште.

Вара:

Юмын Эргыже! Таче Тыйын кас кочкышым ышташ шолып погынымаштет Пеленет лияш мыйымат пурто. Тыйын тушманетлан тайным ом каласе, Тыйым Иуда гай ондален ом шупшал, но, разбойник семын, Тыйым ойлен палдарем: «Шке Кугыжанышыштет, Господь, мыйым шарналте».



СВЯТОЙ ПРИЧАСТИЙ ДЕЧ ВАРА ТАУМ ЫШТЫМЕ МОЛИТВА-ВЛАК

Тау Тыланет, Юмо. Тау Тыланет, Юмо. Тау Тыланет,
Юмо.

Таум ыштыме молитва

Господь Юмо, Тыланет таум ыштем, вет Тый мый-ым, сулыканым, шыч шўкал, Шке святынет дене уш-наш пуышыч да мыйым, йёрдымым, Шкендын пыл-помышысо яндар Пырчесетым подылаш йёрышылан шотлышыч. Кучен Ашныше да айдемым йёратыше Юмо, Тый мемнан верч коленат да ылыж кынелынат, тиде лўдыкшö да илышым пуышо Таинстветым мем-нан чонна ден капнам паремдаш да святитлаш пуэнат.

Мыланемат тиде Таинствен чонем ден капемлан па-ремаш, чыла тушманым сенаш, шўмемым ужын мо-штышым ышташ, чонемын вийжым тынысландараш, Тыланет чот ўшанаш, уло чон ден йёраташ, поро уш-акыл дене темаш, Тыйын кўштыметым шуктен илаш, Тыйын порылыкетым шукемдаш да Кугыжанышетым муаш лийже. Тыйын святитлымет дене тыге аралалтын, Тыйын чаманыметым ушыштем кучен, шкаланем верч

огыл, а Тыйын верч, мемнан Кучен Ашнышына да Порым Ыштышына верч, илаш тўналам. Тиде илыш гыч курымаш илышлан ўшанен кайымекем, курым-курумаш ласкалыкыш шуам, пайремлыше-влакын чарныде йонгышо йўкыштым тушто колам да Тыйын чуриетын каласен мошташ лийдыме моторлыкшым йўратен ончышо-влакын мучашдыме куаныштым ужам. Христос Юмына, Тыйым йўратыше-шамычлан Тый шонымашке шумаш да каласен моштыдымо йывыртымаш улат, пўрен ыштымет-влак чылан Тыланет курым-курумеш мурат. Аминь.

Святой Василий Великийын молитваже

Кучен Ашныше Христос Юмо, курым-влакын Кугыжашт да уло тўням Пўрышө, мыланем пуымо чыла порылыкетлан да илышым пуышо эн яндар Таинствышкет ушнаш пуыметлан Тыланет таум ыштем. Айдемым йўратыше поро Юмо, мыйым Шкендын леведышет йымалне, шулдыретын ўмылыштыжө, арален ашне, Тыйын святой Таинствышкет пытартыш шўлышем марте намысыш пурыде яндарын ушнаш да тидын дене сулык касарымашым, курымаш илышым налаш йўрышым ыште. Тый вет Илыш Кинде, святыне Памаш да порым Пуышо улат, Тыланет, Тыйын Ачатлан да Святой Шўлышлан таум ыштена, кызытат, керек-кунамат, курым-курум мучкак. Аминь.

Юмын Эн святой Аважлан молитва

Юмым Шочыктышо, Кучен Ашныше Эн святой Ава, Тый мыйын пычкемышалтше ушемым волгалта-

рет, вет Тый мыйын ўшанем, леведышем, толын пу-
рымо верем, лыпландарышем да куанем улат. Тыйын
Эргычын эн яндар Капше да эн шергакан Вўржў дене
ушнаш пуыметлан Тыланет таум ыштем. Чын Волгы-
дым Шочыктышо Ава, мыйын шўм-чон шинчамым
волгалтаре. Курымаш илышым Пуышым Шочыктышо
Ава, мыйым, сулык дене колышым, ылыжтен кынелте.
Чаманыше Юмын чаманыше Аваже, мыйымат чама-
не, шўмемлан чаманымашым да сулыкем верч ўкыны-
машым пу, уш-акылем алгаштаралтме годым шоныма-
шем ўнышемде, порым шонымашке виктаре. Чонем
ден капемым паремдаш эн яндар святой Таинством
пытартыш шўлышем марте сулыкыш пурыде кўргыш-
кем налаш пу. Мыланем таум ыштен моштымашым да
сулыкем-шамыч верч ўкынен шорташ шинчавўдым
пу. Илышемын чыла кечыштыжат Тыйым моктен му-
раш да чапландараш лийже, вет Тый курым-курымеш
суапландарыме да моктымо улат. Аминь.

*Шке кўргыштў Христосым кўлеиш семын арален кодаш
манын, Пырчес подыло кажне ег шкенжым яндарын да
шот дене кучышаш, утым мутланышаш огыл.*



СВЯТОЙ-ШАМЫЧЛАН МОЛИТВА-ВЛАК

Юмын Архистратигше Михаиллан молитва

Юмын святой кугу Архистратигше Михаил, тый Пылпомыш гыч диаволым да тудын воинствыжым сў-мыралынат! Ёшан дене толын, тыйым йөратен сөрвалена: Святой Черкылан да православный Шочмо эллан чоткыдо авыртыш да пенгыде пырдыж лий. Волгенче гай кердет дене мемнам чыла ужмо да ужаш лийдыме тушман деч арале. Вуйлатышына-влакын Аралыше Суксышт лий, нунылан ушан ойым пу да полшо. Христосым йөратыше сарзе-влакнам сенымашке вўден нангай, тушманым сенаш полшо да чап вуйшўдышым чикте. Мемнам мыскылаш тўчышў-влак тек палат: Юмо да Тудын святой Суксыжо-шамыч пеленна улыт. Аминь.

Мученик Иоанн Воинлан молитва

Христос верч кугу орлыкым чытыше Иоанн! Чын ёшаныше-влак верч пенгыдын шогышо, тушман-влакым поктен колтышо, шыгыремдыме-влакым аралыше! Ойго да энгек деч утлышаш верч сўрвалы-

мынам колышт, вет тыланет ойганыше-влакым лыпландараш, кертдыме-влаклан полшаш, титакдымым арамеш колымаш деч утараш, чот орланыше-влак верч, чыла осалым сенышаш верч кумалаш Юмо деч куат пуалтын. Мыланна шинчалан койшо але койдымо тушман ваштареш кучедалаш полшышо лий, тек тыйын полшыметлан, аралыметлан көра мемнан ваштареш шогышо осаллан намыс лиеш. Святой Троицыште моктымо мемнан Господь Юмына деч сөрвален йод, тек языкан да йөрдымө кул-влак Тудын деч каласен моштыдымо порылыкым налыт, кудым йөратыше-влаклан ямдылен, кызытат, керек-кунамат, курым-курым мучкак. Аминь.

Кугун орланыше Георгий Победоносецлан МОЛИТВА

Чылаштын моктымо, кугун орланыше да чудым ыштыше святой Георгий! Вашке толшо польшетым мыланна колто да Айдемым йөратыше поро Юмым сөрвале. Тудо мемнам, сулыкан-шамычым, языкна шуко улмо наре ынже судитле, Шкенжын кугу чаманымашыжым ончыктыжо. Мемнан эллан да Юмым йөратыше воинствылан тушманым сенаш полшыжо, чот вучымо тыныслык да суапландарымаш дене пенгыдемдыже. Ты илыш гыч кайымына годым сатанан осалже да южысо орландарымаш деч Шкенжын святой суксо тўшкаж дене авырыже. Чапландарыме Господьын Престолжо ончыко мыланна судитлалтде шогалаш лийже. Аминь.

Кугун орланыше Анастасия Узорешительницылан молитва

Христосын чот индыралтше да кугу уш-акылан орланышыже Анастасия! Тый чонет дене Пылпомышто, Господын Престолжо ончылно, шоget да тыланет пуымо порылык дене мландымбалне тўрлө паремашым ыштет. Юмонат воктене шогышо да польшештым йодшо-влакым чаманен ончал, мемнан верч йодмо святой молитватым Господь деке шукто, сулыкнам касарымым, черле-влаклан паремашым, ойгырышо да орланыше-влаклан вашке польшым йод. Господь мыланна христианин семын колымашым пуыжо да Шке Лўдыкшө Судыштыжо поро вашмутым пуаш йōрышым ыштыже. Тунам ме Ачам, Эргым да Святой Шўлышым курым-курымеш тыйын пеленет моктен кертына. Аминь.

Кугун орланыше Варваралан молитва

Христосын чапле, чыла моктым да кугун орланыше святой ўдыржō Варвара! Божественный храмышкет погынен, тыйын чот йōсланыметым шарнена. Подвигым негызлыше Христосым кўкшын аклен, тыйын моцет кийыме раке ончылно вуйнам савена, пагален шупшалына. Христос тыланет Шкаланже ўшанаш веле огыл, тыгак Шкеж семын орланаш йōным пуэн. Мемнан кумылнам шуктен кертше ўдыр, тыйым йодына: поро Юмым мемнан дене пырля мемнан верч сōрвале. Порылыкшым йодшо-влакым Тудо чаманен колыштшо. Утаралташ полшыжо да тысе илышлан мо кўлешым йодмынам ордыжеш ынже кодо. Юмын

Таинствышкыже ушнен шуктен, орланыде, вожылде, христианин семын тынысын колышашым пуыжо. Чыла ойго да орлык годым Шкенжын айдемым йӧратымыжым ончыктыжо, полышым да кугун чаманымыжым пуыжо. Юмын порылыкшо да тыйын шокшын кумалмет дене ме чон да кап дене таза лийына, Шке святойжо-влак дене ӧрыктарыше Юмым чапландарена, вет Тудо Шке полышыжым мемнан деч нигунам ок коранде, кызытат, керек-кунамат, курым-курым мучкак. Аминь.

Святитель Николай Чудотворецлан молитва

Пеш святой Николай, Юмылан чот йӧршӧ, мемнан шокшо аралтышна да чыла ойгышто вашке полшышына! Мылам, сулыканлан да тиде илышыште шӱлыканлан, полшо, мыйын чыла сулыкем, кудым самырыкем годым, уло курымем мучко шке пашам, шомакем, ушем да чыла шижмашем дене ыштенам, проститлаш Господь Юмым сӧрвале да мыланем, эн сулыканлан, чонем лекме годым полшо; Господь Юмым, чыла чонаным Ыштышым, мыйым южысо мытарстве да курымаш йӧсланымаш деч утараш сӧрвале, да Ачам, Эргым да Святой Шӱлышым да тыйын чаманыше аралтышештым эреак моктем, кызытат, керек-кунамат, курым-курым мучкак. Аминь.

Российысе благоверный князь Борис ден Глеб страстотерпец-влаклан молитва

Святой Борис ден Глеб – лишыл-влак деч орлыкым чытыше священный иза-шольо! Самырым

годсек Христослан ўшанымаш, яндарлык да йӱраты-
маш дене служитлен, чапле йошкар вургем олмеш шке
вӱр дене сӱрастаралтын, те кызыт Христос дене пырля
кугыжаланеда! Мыланна ўшанле аралтыш лийза, тӱр-
лӱ ойго, шыгыремдымаш да вучыдымо колымаш деч
авырыза. Христосым йӱратыше страсотерпец-влак,
тендам сӱрвалена: кузе ожно благоверный князь Алек-
сандр Невскийлан полшаш вашкенда, тугак кызытат
Российлан тушманым сенаш полшыза, руш воин-влак
тушманлан лӱдмашым, а шочмо мландылан тыныс-
лыкым кондышт. Ача Юмым, Эрге Юмым да Святой
Шӱлышым эре моктен, ен-шамыч порын да ласкан
ильшт. Аминь.

Святой благоверный кугу князь Александр Невскийлан молитва

Йодын толшо-влаклан вашке полшышо да Господь
ончылно мемнан верч кумалше святой благоверный
кугу князь Александр! Мемнам, шуко сулык дене
шкенам йӱрдымыш лукшо-влакым, чаманен ончал.
Илымет годым тый православный вералан ўшанле
лийынат да тудым чот араленат. Юмонгат деке толын,
уло чон дене сӱрвалена: кызытат Юмылан шокшын
кумал да мемнам пенгыдемде. Шке кугу служениетым
тыршен шуктымет семын, мыланна ўшанен пуымо па-
шам сайын шукташ полшо. Осал тушман-шамычым
Россий мланде гыч поктен лукмет семын, мемнан
ӱмбака кержалтше чыла ужмо да ужаш лийдыме туш-
маным сенаш полшо. Мландымбалысе кугыжан

пытышаш венецшым коден, шып илышым ойырен на-
лынат да, курымаш вуйшүдыш дене чын палемдалтын,
Пылпомышто кугыжаланет. Тыйым үнгышын сөрвале-
на: мыланнат шып да ласка илышым йод, курымаш
Кугыжанышыш тайныштде каяш полшо. Святой-влак
дене пырля Юмын престол ончылно шогымет годым
православный христиан-шамыч верч кумал. Господь
мемнам Шке порылыкшо дене аралыже, тынысын да
сай тазалык дене кужу курым илаш пүрыжө. Святой
Троицыште моктымо Юмылан, Ачалан, Эргылан, Свя-
той Шүлышлан, эре таум ыштена, кызытат, керек-ку-
намат, курым-курым мучкак. Аминь.

Святой благоверный кугу князь Димитрий Донскойлан молитва

Святой благоверный кугу князь Димитрий! Млан-
дымбалне илышаш кечет шагал лийын гынат, Чыла
ыштыше Господь тыланет Россий мландыште ча-
планаш да Пылпомышто курымашлык поро пиа-
лым налаш пүрен. Господь ончылно мемнан верч эре
шокшын кумал шогышо, мемнам колышт! Тыныс го-
дымат, неле жапыштат шке аралтышет деч посна ит
кодо, илышыште чылажымат порылык деке виктары-
ше Юмын эрыкшым шукташ туныкто, шке кумалмет
дене Шочмо элнам тушман керылт пурымо деч, ваш
умылыдымаш да шот деч посна ыштылмаш деч ара-
ле, шкендын польшет дене пентгыдемде. Юмын свя-
тойжо! Шкендын польшкалышет да үшанле пелашет
святой княгине Евдокия дене пырля кумал, тек Юмын

Чурийжын волгыдыжо мемнан ўмбалнат палдырна, тудын туныктымыж дене Христосын Чынжын мучашдыме да курымашлык Кугыжанышышкыже шуына. Аминь.

Святой праведный воин Феодор Ушаковлан молитва

Чын илыше воин Феодор, тый декет толшо-влакым кўшылсö илемет гыч порын ончал, кумалмынам колышт. Чоннам утарышаш верч Господь Юмо деч мом йодына, чыла тидым пуаш сөрвале. Ўмбакет пыштыме кугу служенийым тый тыршен шуктенат, мыланна ўшанен пуымо пашам тыгак ышташ туныкто. Сарыште шуко тушманым сенымет семын, кызыт мемнан ўмба кержалтше ужмо да ужаш лийдыме тушманшамычым сўмырал. Пенгыде тыныслыкым пуаш Господь Юмым сөрвале, мландылан сай лектышым йод, священник-влаклан – святынъым, законлан – чынлык ден куатым, сарзе вуйлатыше-влаклан – кугу уш-акыл ден лўддымылыкым, кундем вуйлатыше-влаклан – судым, россия флот ден воинствылан – чын ўшанымашым, Шочмо эллан ўшанле улмым да сенаш лийдыме патырлыкым, а православный христиан-влаклан – таза-лык ден поро койыш-шоктышым. Мемнан Россия ден святой обитель-влакым тушманын чыла осалже деч арале. Тек тыште Ачан, Эргын, Святой Шўлышын чот святой лўмжö мут да паша дене эре мокталтеш, кызытат, керек-кунамат, курым-курым мучкак. Аминь.



ТҮРЛӨ МОЛИТВА-ВЛАК

Кугече! Иисус Христосын волгыдын Ылыж кынелмыже!

Тропарь, 5-ше сем

Христос колымаш гыч ылыж кынелын, колымыж дене колымашым сенген да шүгарыште улшо-влаклан ылышым пуэн (3 гана).

Христосын Шочмо кечыжлан

Тропарь, 4-ше сем

Мемнан Христос Юмына, Тыйын шочмет дене калыкклан чын палымаш волгалтын: шүдырым палыше-шамыч кече лекмаш могыр гыч кўшычын пален, шүдыр дене Тыланет, чынын Кечылан, тунам кумалаш тунемыныт. Тау Тыланет, Юмо.

Иисуслан молитва

Господь Иисус Христос, Юмын Эргыже, мыйым, сулыканым, серлаге.

Преподобный Ефрем Сиринын молитваже

(Кугу пүтö годым лудалтеш)

Мыйын чонем Ашныше Юмо! Мыланем йогыланыме, ойганыме, чапле лияш тöчымö да кўлдымашым

ойлыштмо шўлышым ит пу. Шке айдеметлан, мыланем, яндарын илыме, ўнғышө лийме, чытымаш да йоратымаш шўлышым пу. Эй Юмо, Кугу Кугыжа! Мыланем иза-шольо-шамычым осалыш лукде илышашым да шке языкем ужын моштышашым пу. Тый вет моктымо улат курым-курумеш. Аминь.

Поро пашам тўналме годым Юмын полышым йодмо молитва-влак

Господь, благословитле. **Але:** Юмо, полшо!

Але: Пылпомышысо Кугыжа, Чынлан туныктен йывыртыктыше Шўлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, кўргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

Чыла поро паша деч вара лудмо молитва

Господь Юмо, тау Тыланет.

Кочкаш шичме деч ончыч Господь Юмылан молитва

Пылпомышто улшо мемнан Ачана! Тыйын лўмет мокталтше, Тыйын Кугыжанышет толжо, Тыйын эрыкет мланде ўмбалнат пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Кочмо деч вара таум ыштыме молитва

Христос Юмына, мландыбалысе порылыкет дене мемнам темыметлан Тыланет таум ыштена; пылпомышто улшо Кугыжанышышкет мемнам пуртыде ит кодо, Утарыше, но, кузе тунемшет-влак коклашке толын, нунылан тынысым пуэнат, мемнан декат тол да мемнам утаре.

Оптинысе старец-влакын молитвашт

Господь, тачысе кече мыланем мом конда, чылажымат ласка шўм-чон дене вашлияш полшо. Уло кумылын шкемым Тыйын святой эрыкетлан пуаш полшо, суткан кажне шагатыштыже чыла шотыштат мыйым туныкто да переге. Илышыште чылажат Тыйын святой эрыкет дене шукталтым пален, таче кечын толшо чыла уверым ласка шўм-чон да пенгыде ўшан дене вашлияш лийже. Чыла мутыштем да пашаштем мыйын шоньмашем ден шижмашем виктаре. Вучыдымо увер але шонен шудымо паша лийме годым чылажат Тый дечет улмым мондаш огыл ыле. Шке ешысе кажне ег дене раш да шот дене мутланаш туныкто, нигөмат öрыктараш да йöсландараш огыл ыле. Господь, тиде кечын ыштышаш пашалан да чылажымат сенен лекташ ситыше вий-куатым пу.

Мыйын эрыкем чын корныш виктаре да мыйым кумалаш, ўшанаш, ўшанен вучаш, чыташ, öпкем мондаш да йöраташ туныкто. Аминь.

Ача-ава-влак верч молитва

Господь Иисус Христос Юмем! Мыйын ача-авам (*лўм ден лўм*) верч сөрвалымом колышт. Илыме каж-

не кечыштлан икгай шонымаш ден ваш йӧратымашым пу. Енлан порым ыштыме пашаште да Евангелийын волгыдыж дене Тыланет служитлаш нунын кап-кыл тазалыкыштым пенгыдемде. Ача-аван шомакыштым колышташ мыйым туныкто, сайла кояш тӧчымӧ да чояланыме деч посна поро кумылан лияш полшо. Шкендын Лӱдыкшӧ Судыштет мемнам чыланнам чыныш лукмаш деч посна ит кодо. Аминь.

Шочшо-влак верч молитва

Чыла Кучен ашныше Господь, шочшем-шамычым чамане, Юмылан ӱшанымаш да утаралтмаш деке кондо, Шке леведышет йымалне арален ашне, уда кумылшупшмаш деч авыре, тӱрлӧ осал тушман деч коранде, пылышыштым да чон ужмашыштым порылыкклан поч, шӱмыштлан пушкыдо кумылым, ӱнгышылыкым пу.

Сарзын кажне кечын лудмо молитваже

Кучен ашныше Юмем, Тый куатле да чот чаманыше улат! Тый дечет моло полшышем да лыпландарышем уке. Мучашдыме порылыккетлан ӱшанен, Тый декет толам да ӱнышын йодам: мыйым, салтак службышто улшо йӧрдымӧ кулетым, чаманен ончал да полшышо кидетым шуялте. Сарзе енгын чапшым кӱшнӧ кучен, ты неле жапыште Шочмо элын чынже верч пытаргыш шӱлышем марте шогышаш улам манын, мый палем. Но Тыйын эрыкет деч посна айдеме нимом ыштен ок сене. Чыла кертше Юмо, кидем шуен, Тыйым сӧрвалем: сарзе пашалан вашке тунемаш уш-акылем волгалтаре, сайым але осалым ыштыше ен декат шӱмемым

чытымаш да йөратымаш дене теме. Христосын ўшан-
ле сарзыже семын Шочмо эллан да тудын законжылан
чын служитлаш чонем савыре, а чоя шонымаш, түрлө
чер, шўлык да кумыл волымаш мый дечем коранышт.
Господь, Святой Православный ўшанымаште пенгы-
дын шогаш полшо, авамын суапландарымыже кажне
кечын мыйын ўмбалнем лийже.

Господь, Шочмо элнам тыныс да ик шонымаш дене
вўдыл. Святой Черкетлан пенгыдын шогаш, Ўшаны-
маште кўшнө лияш полшо. Эл вуйлатыше ден сарзы-
вуй-шамычлан уш-акыл ден куатым пу, шўмышкышт
Шке айдемет-влак нерген поро шонымашым шындаре,
лўддымө сарзына-влакын чыла сенгыше куатыштым
тушманлан ончыкто, ўнардыме-влакым пыдал нал,
Шке енет-шамычлан мландымбалысе да курымаш
иышлан мо кўлешым пу. Ача-авам, пелашем, шоч-
шем, чыла лишылем таза да кужу ўмыран лийышт. Ну-
ным түрлө ойго, орлык да нужналык деч утаре, чыла
поро пашаштышт полшо, саска лектыш дене куандаре.
Шке жапыштыже мыйымат нунын деке сайын пёртыл-
тө. Чаманыметлан йывыртен, Тыйын святой лўметым,
Ачам, Эргым да Святой Шўлышым, пырля мокташ
лийже. Аминь.

Кугу сарыште Сенымаш кече лўмеш Господь Юмылан молитва

Куатле да умылен керташ лийдыме Юмо, пыты-
шаш-шамычым Тый утарет, колышо-влакым ылыжтен
кынелтет, чылажымат Шке эрыкет да шонен пыштымет
семын виктарет! Тый мемнам, ўнгышө да йёрдымө

кулет-шамычым, Шке святой күкшытет гыч ончал. Тыйым чапландарымынам, Тыланет шүм да умшана дене тауштен нөлтымө молитванам, сулыкым почын ойлымынам колышташ пылышетым савыре. Господь, Тый мыланна закондымылыкна почеш ыштен отыл, шуко сулыкна улмо семын пörтылтен отыл. Ожно Израиль эрге-шамычлан шижтаренат: күштымашетым огыт арале да тудым шуктен огыт иле гын, нунын үмбакашучко калык-шамычым колтет, да шке олаштышт пытарыме лийыт, ола пырдыжышт шалана манынат. Ме палена: ты лүдыкшө сөрмет мемнан калык үмбакашучко шукталтын. Поро кумылан, Чаманыше, Кужун чытыше да Чын улшо Господь Юмына, чыным арален, чаманымашым ончыктен, кугу порылыккет дене Тый мемнам серлагенат, шотдымылыкна верч пондет дене кыренат, но тушманым сенаш садак полшенат. Господь пелен шүмна пенгыдемын, Юмо дене ушнымаште куатна нөлталтын, да Тыйын пылышетлан чот йывыртена. Шочмо элнам осал тушман деч утарыметлан таум ыштена. Господь, мемнан верч тыге тыршыметым эре шарнена да чарныде моктена: мыланна Порым ыштыше Юмо, курым-курымеш тау Тыланет. Аминь.

Пленыште да петырымаште улшо-влак верч

Тропарь, 2-шо сем

Чот чаманыше Юмо, кумалын йодмыж верч ожно Тый Манассийым шучко казамат гыч утаренат, кызыт Тыйын (*лүм*) кулет верч сөрвалымынам колышт, петырымаш гыч тудым утаре да чыла лүдыкшө деч арале, вет Тый Икте Айдемым йöратыше улат.

Кондак, 5-ше сем

Христос Юмо, Тый чаманымашын памашыже, порылыкын тенгызше улат. Ойго да орлык годым Тыйым ўшан дене сөрвалыше-влакым ит шўкал, Чот чама-ныше улметлан кōра нуным серлаге, петырымаш гыч вашке утаре, да Тыланет мурена: Аллиллуиа.

Пленыште улшо-влакым утарышаш верч Господьлан молитва

Святой апостол Петрым казамат гыч куштылгын утарен лукшо Господь Иисус Христос Юмо, Тыйым ўнышын сөрвалымынам колышт, пленыш логалше да петырымаште кучымо (лўм) кулетым чамане, сулык-шым проститле, кумалын йодмынам шукто. Айдемым йōратыше улметлан кōра Шкендын куатле кидет дене тудым чыла осал деч утаре да эрыкыш лук.

*!!! Пленыште да петырымаште улшо-влакым утараиш
полаш тыгак святой великомученице
Анастасия Узорешительницым сōрвалат (40 стр. ончо).*

Корнышто улшо-влак верч молитва

Господь Иисус Христос Юмо, Тый корно да чын улат. Ачатлан шотлалтше Иосиф да Эн яндар Ёдыр Мария Ават дене пырля Египетыш коштынат, Лука да Клеопа дене пырля Еммаусыш миенат! Эн святой Владыка, Тыйым ўнышын сөрвалена: Шке порылыкет дене нине (лўмышт) кулет-шамыч пелен корнышто лий. Товий кулетлан полшымет семын кызытат нунылан туныктышо да Аралыше Суксым колто. Тудо нуным чыла осал деч перегыже, ужмо да ужаш лийдыме туш-

ман деч аралыже, Тыйын кўштымашетым шукташ туныктыжо, тынысын да сай тазалык дене коштыктыжо, тичмашым да ласка кумыланым пөртылтыжө. Шонен пыштыме пашаштым Тыланет йөрышын да Тыйын лүмеш сайын шуктышт. Мемнам чаманаш да утараш Тыйын эрыкет уло, сандене ме Тыланет да Тўналтышдыме Тыйын Ачатлан, Эн святой, Поро да Илышым пуышо Шўлышетлан моктымашым кондена, кызытат, керек-кунамат, курым-курым мучкак. Аминь.

Водительын молитваже

Чыла айдемным йөрәтен аралыше Пеш поро да Чот Чаманыше Юмо, Тыйым ўнышын сөрвалем: Юмын Аван да чыла святойын кумалмышт дене Тый мыйым, сулыканым, да мылам ўшанен пуымо ең-шамычым трук колымаш да тўрлө орлык деч арале, кажныжым кўләш верыш тичмашым намиен шукташ полшо. Чаманыше Юмо! Талын кудалышташ да аракам йўаш таратыше осал шўлышым мый дечем поктен колто, орлыкыш шуктен, сулыкым касарыде колымаш деч утаре. Господь, мылам шонтеммеш яндар совесть дене илаш пу, титакемлан көра колышо але чолак ең ынже лий, тидын дене Тыйын святой лүмет мокталтше кызытат, керек-кунамат, курым-курым мучкак. Аминь.



ЧЕРЛЕ-ШАМЫЧ ВЕРЧ МОЛИТВА-ВЛАК

Тропарь-влак

Христос, Тый Икте вашке полшышо улат. Черле кулет-влак деке толметым кўшычын вашке ончыкто, йёсланымаш да неле чер деч утаре. Юмым Шочыктышын кумалмыж дене Тыйым чарныде моктен мураш чоннам тарвате. Тый вет Икте Айдемым йоратыше улат.

Тау Ачалан, Эргылан, Святой Шўлышлан.

Господь, ўнгышын сөрвалымынам ит шўкал, шыма ончалтышан шинчат дене чаманен ончал. Айдемым йоратымашет дене ты черле кулет деке тол, поро шўметын куатше да Юмын Аван кумалмыж дене тудым паремден кынелте, Тый вет Икте Айдемым йоратыше улат.

Кызытат, керек-кунамат, курым-курым мучкак. Аминь.

Мемнан верч чот сөрвалыше да сенаш лийдыме Пырдыж, чаманымашын Негызше, тўнялан ўшанле Вер, ме Тыйым сөрвалена: «Юмым шочыктышо Владычице, вашке тол, ойго деч мемнам утаре, мыланна вашке Полшышо ик Тый веле улат».

Господьлан 1-ше молитва

Святой Кугыжа, Чыла Кучышо Владыко, наказатлет гынат, ит пытаре, камвочшо-шамычым пенгыдемде, шўкал кудалтыме-влакым нўлтал, ен-шамычым кап черышт деч паремде. Мемнан Юмына, Тыйым сўрвалена, тиде черле (лўм) кулет деке Шке чаманымашет дене тол, тудын шке эрыкше але эрыкше деч посна ыштыме сулыкшым проститле. Господь, Шкендын паремдыше куатетым пылпомыш гыч колто, капышкыже тўкнў, шокшешт орланымыжым пытаре, осал кумылшупшмаш ден шинчаш койдымо чыла лушкыдылыкшым сорлыкло. Шкендын (лўм) кулетын эмлызыже лий, черланен кийыме вакшышыж гыч, орланыме верже гыч тичмашым да паремшым кынелте. Тек тудо Тыйын Черкетлан порым ыштыше да Тыйын эрыкытым шуктышо лиеш. Мемнан Юмына, чаманымаш ден утарымаш Тыйын эрыкыштет улыт, да ме Тыланет таум ыштена, Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

Господь Юмылан 2-шо молитва

Айдеме тукымым утараш чылажымат чаманен ыштыше Куатле Юмо,

Тыйын Христосетын лўмжым нумалше (лўм) кулет деке тол, капкылын тўрлў черже деч паремде, сулыкшым да сулыкан кумылшупшмашыжым кудалте, чыла азапым да осал кержалтмашым ты кулет деч тораш коранде. Сулыкан вакшышыж гыч паремден кынелтен, тудым Шке святой Черкышкет кап да чон дене тазам

пурто. Христосетын лүмжым молын семынак поро паша дене чапландарыже, да Тыланет ме Тўналтышдыме Тыйын Эргыч да Святой Шўлышет дене пырля моктымашым кондена, кызытат, керек-кунамат, курым-курым мучкак. Аминь.

Черланыме годым Господьлан молитва

Господь, черле улмем Тый ужат, сулыкан да ўнардыме улмем палет: мыланем чыташ да Тыйын порылыкетлан таум ышташ полшо. Господь, тиде черланымем дене мылам шуко сулыкем деч эрыкталташ лийже.

Кучен ашныше Господь, Тыйын кидыштет улам, Шке эрыкет дене мыйым серлаге да, мылам тиде пайдале гын, вашке паремде. Пашамлан келшышын пуыметым ўнышын налам. Господь, мыйым Шке Кугыжаныштет шарналте! Чылаж верчат Юмылан тау! Юмо, серлаге (3 гана).

Юмын Авалан молитва

О, Всецарице, Юмын Эн яндар Аваже! Орланыше чонна гыч лекше кумалмынам кол, тўрланен кертдыме чер дене йўсланыше да Тыйым ўшанен сўрвалыше (*лўмышт*) шочшет-влак ўмбак ончал! Кузе кайык шулдыржо дене шке игыже-шамычым леведеш, тыгак Тыят, эреак Илыше, шуко Эмлыше омофорет дене кызыт мемнам левед. Кушто ўшанымаш йомеш, Тый тушто чынжымак Ўшанымаш лий, кушто чыташ лийдыме ойго сенгынеже, Чытыше да Куштылемдыше лий. Чоннышко ўшаным йомдарыше пычкемыш пурен гын, тек тушто Юмын каласен мошташ лийдыме волгыдыжо

волгалтеш. Вуйым сакыше-влакым лыпландаре, вийдыме-влакым пенгыдемде, шыде чонан-влакым пушкыдемде, ушыштым волгалтаре. Пеш чаманыше Царице! Черланыше айдемет-влакым паремде. Мемнам эмлыше-шамычын ушыштым да кидыштым благословитле, тек мемнан Христос Утарышынан, Чыла сеныше Эмлышын, орудийже лийыт. Владычице! Мемнан дене пырля илыше улмет гаяк Тыйын иконет ончылно кумалына. Орлыкан-влакын Куанышт, ойго годым Лыпландарыше, эмлымаш да паремдымаш дене темше кидетым шуялте, да чудым ыштыше полышым вашке налын, Илышым пуышо Шелалтдыме Троицым – Ачам, Эргым да Святой Шүлышым – курым-курымеш моктена. Аминь.

Святой паремдыше-влаклан молитва

Христослан чот йöрышö да чудым ыштыше Косма ден Дамиан, Кир ден Иоанн, Пантелеймон ден Ермолай, Сампсон ден Диомид, Фотий ден Аникита, Фалалей ден Трифон, Иоанн Шанхайский ден Лука Крымский! Юмын (*лүмна*) кулжо-влакын тендам сөрвалымынам колыштса. Ойгынам да чернам паледа, йодын толшо-шамычын нелын шүлалтымыштым колыда. Вашке полшышо да шокшын сөрвалыше-влак, Юмо ончылно мемнан верч кумалмыдам ида чарне. Чаманен вуйлатыше-шамыч, те мемнам, утаралтмаш корно гыч йомшо-влакым, чын корныш виктарыза. Православный ўшанымашлан туныктышо-влак, мемнам, вийдыме-шамычым, пенгыдемдыза. Еным

чаманыше шүман святой-влак, мемнам, поро пашалан йорло-влакым, чаманымаш дене пойдарыза. Полыш укеан-влакым пыдал налше-влак, мыланна полшыза, вет ужмо да ужаш лийдыме тушман-шамыч үмбакына кержалтыт да орландарат. Закондымо пашана чот шукулан көра Юмын чын шыдыже мемнан үмбак толеш, те тудым корандыза. Чын илыше святой ачана-шамыч, Пылпомышто Юмын престолжо ончылно кумалын, Суд Ыштышын чонжым пушкыдемдыза. Христослан чот йөрышө-шамыч, кугу ўшан дене сөрвалымынам колыштса, Пылпомышысо Ачана деч мыланна, чот орланыше-влаклан, сулык касарымашым, чер деч пареммашым, ойго деч утаралтмашым йодын налза. Полшышо, пыдал налше, мемнан верч кумал шогышо святой-влак, тендан верч ме Ачалан, Эргылан, Святой Шүлышлан таум ыштена кызытат, керек-кунамат, курым-курым мучкак. Аминь.

Сусыргымо да орланыме годым мученик Евтропий Воинын молитваже

Чыла Кучен ашныше Юмо, поро да чаманыше, Тый петырымаште улшылан полшет, орланыме годым лүдде чыташ вийым пуэт! Кызытсе сусырнам чыташ пенгыдылыкым пу, мученик Феодорлан полшымет семын мыланнат полшаш тол да куатле кидет дене чылашлан полшо, вет Тый Утарыше Господь улат, Тыланет Иктылан кумалына, Ачат да Святой Шүлышет дене пырля Тыйым курым-курымеш моктена. Аминь.



КОЛЫШО-ШАМЫЧ ВЕРЧ МОЛИТВА-ВЛАК

Кондак, 8-ше сем

Христос Юмо! Шке айдеметын чонжым корштыдымо, орлыкдымо, ойгыдымо верышке пуртен, святой-шамыч дене пырля мучашдыме илышым пу да суаплыкыште ашне.

Колышо-влак верч лития гыч молитва-влак

Мемнан Господь Юмына, курымаш илышлан ўшаныше да ўшанымаш денак колышо Тыйын айдеметым, (*лүм*)-ым, шарналте, Поро да Айдемым йоратыше улметлан көра тудын чыла языкшым кудалте, чын огылжым пытаре, лушкыдемде, кодо да тудын эрык дене але эрык деч посна ыштыме чыла сулыкшым касаре: курымашлык орлык да геенысе тул деч утаре. Тыйым йоратыше-влаклан ямдылыме Тыйын курымашлык порылыкыштет лияш пу, вет языкым ыштен гынат, Тый дечет корангын огыл. Тыланет, Святой Троицыште моктымо Юмылан, Ачалан, Эргылан, Святой Шўлышлан, пенгыдын ўшанен да Иктым Троицыште да Троицым Иктыште пытартыш шўлышыжө

марте Православный Черке туныктымo семын чапландарен, сандене тудым чамане, Тыланет ўшанымыжым тудын пашаже олмеш шотло. Поро улметлан көра тудын чонжым святой-шамыч дене пырля лыпландаре, вет илышыште ик айдемат языкдыме уке. Тый Икте языкдыме улат да Тыйын чынет курымеш, вет Чама-нымашын, Порылыкын да Айдемым йӧратымышын Юмыжо Тый Икте улат, да Тыланет таум ыштена, Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

Колышо ача-ава верч молитва

Авраамын надыржым йӧратен налше да йўлалтен пуымо надыржым сайлан шотлышо Юмо, Тый ончык ужын ойлышо Анналан Самуил эргым шочыкташ пўренат.

Господь, колышо поро ача-авамым Шке декет пурто, авамын ыштыме чыла поро пашажым: ончен куштымыжым, шинчавўдшым, ойгырен шортмыжым – шарналте. Мый дечем йӧршын ынешт ойырло ыле, тидымат шарналте. Ты тўня гыч нуно мыйым коден каеныт. Пукшен лукмышт, ончен куштымышт, шинчавўдым йоктарен, ойгырен шортын, мый дечем ойганен ойырлымышт верч нунылан курымаш куаным пу. Тый нуным орлык гыч орлыкыш, ойго гыч ойгыш, ӧпкелымаш гыч ӧпкелымашыш ит ўж. Мыйым, Тыйын йӧрдымӧ (*лўм*) кулетым, надыр семын шочыктен, Тый декет кондымыштлан нуным Пылпомыш Кугыжанышлан йӧрышым ыште. Тыйын, Ачан, Эргын, Святой Шўлышын, кугун пагалыме куатле лўмет эре суаплан-

даралтше да мокталтше, кызытат, керек-кунамат, курым-курум мучкак. Аминь.

Тынеш пурыде, сулыкым касарыде колышо але
шкеныштым шке пытарыше-влак верч
преподобный Лев Оптинскийын молитваже

Господь, Шкендын (лүм) кулетын йомшо чонжым
кычал му: тудым чаманаш лиеш гын, чамане. Тыйын
судет-шамыч мыланна умылен керташ лийдыме улыт.
Тиде кумалмем сулыклан ит шотло, но чылажланат
Тыйын святой эрыкет лийже.



МЕМНАН ЁШАНЫМАШНА НЕРГЕН

Юмын шўдымашыже-влак (Исход, 20: 2-17)

1. Господь Юмет тыйын Мый улам, Мый дечем моло юмо тыйын ончылнет ынже лий. Икымше шўдымаш дене Юмо Шкенжым мыланна ушна дене палаш, шўмна дене Тудлан ёшанаш да Тудым йораташ, Тудым пагалымынам лўдде почын ойлаш, уло шўм-чон дене Тудлан кумалаш, уло куатна дене Тудлан кумылын служитлаш кўшта. Ик чын Юмо деч молым нимом Юмылан шотлыман огыл, Юмым кугун жаплымынам Тудын деч весылан, нигёлан да нимолан ончыктыман огыл. Святой Суксо ден святой ен-шамычынат Юмо семын кўшкё шындыман огыл. Нуно Юмын служительже улыт да Юмо ончылно мемнан верч кумалыт.

2. Пылпомышто, мландыште, вўдыштё улшо нимо пўрымё-шамычын тўсыштым ыштен ит шогалте, нунылан Юмо олмеш ит кумал.

Тиде шўдымаш айдемым идол-влаклан кумалме деч чара, вет кавасе кечым, тылзым, шўдыр-влакым, мландым, мландымбалне илыше янлык ден кайык-влакым,

вўдым, вўдыштö улшо кол ден теныз чудовище-шамычым Юмо ыштен, сандене нуным Юмо шотеш ужаш да нунылан кумалаш ок лий. Христианиным тиде шўдымаш юмонгам чын аклаш туныкта. Иконышто Юмын, Юмын Аван да святой енг-шамычын тўсыштым пагален ончен, ме оналан огыл, а тушто ончыктымо Юмылан, Юмын Авалан да святой енг-шамычлан кумалына, нуным сөрвалена.

3. Господь Юметын лўмжым ара меш ит ойло. Кумшо шўдымаш Юмым мыскылен ойлаш веле огыл, тыгак кугу пагалымаш деч посна ушештараш чара. Господь Шке мемнам пўрен, кажныжлан могай-гынат мастарлыкым пуэн. Тиде мастарлыкым кучылт она мошто, шкенам шке да йырна улшо тўням она йöрате гын, тидын дене ме Юмым мыскылена.

4. Святитлаш манын, шуматкечым шарне, куд кечым тырше, чыла пашатым ыште, а шымше кече – шуматкече – тыйын Господь Юметлан. Юмо тўням куд кечыште ыштен, а шымше кечын канен, сандене иудей-влак кызытат шуматкечым жаплат. Кок тўжем ий ончыч мемнан Господь Иисус Христос колымаш гыч ылыж кынелын. Тиде кечым кугун пагален, христиан-влак рушарням да Юмын чыла кугу пайремжым жаплат. Нине кечым молитвалан да Юмылан йöрышö пашалан ойыраш кўлеш.

5. Шке ачатым, аватым пагале, тыланет поро пиал лиеш, мландымбалне тый кужу ўмыран лият. Визымше шўдымаш дене Юмо ача-аванам пагалаш кўшта. Тудо мыланна илышым ача-авана гоч пуэн.

Тидым эре шарнен, таум ыштен илаш күлеш. Ойыштым колыштман, чаманыман, полшаш тыршыман. Чаманымаш деч посна йөратымаш ок лий, тидым мондыман огыл. Ача-ава семьянак мемнам порын илаш туныктышо чыла еным пагалышаш улына: туныктышо ден священник-влакым, вуйлатыше ден командир-шамычым, воспитатель ден порым ыштыше ег-влакым, тыгак кугурак ийготан-шамычымат.

6. Ит пушт. Кудымшо шүдымаш дене Юмо ег-влакын илышыштан лүдыкшым ышташ, тыныслыкым пужаш чара, сандене тышкак вурседылмаш, шыде, ужмышудымаш, торжалык пурат. Чын вера да Шочмо эл верч кредалме годым тушманым пуштмаш сулыклан ок шотлалт. Чын верч шогаш Юмо Шке суапландара, арам огыл Тудым Куатын Господышо маннын лүмдат. Тудо каласен: «Йолташыж-влак верч илышыжым пуымо деч кугу йөратымаш иктынат уке» (Ин.15,13). Тыгай кугу йөратымаш военный службо годым чүчкыдын шукталтеш.

7. Ит яжарлане. Шымше шүдымаш дене Юмо чон ден капым авалтыше осал кумылшупшмашым сорлыклаш күшта. Мо алгаштарымашым тарваташ полша: арака йүмаш, аватмутым кучылтмаш, яжарланаш таратыше книга лудмаш, шакше сүретым але кином ончымаш, уда мурым мурымаш – чылажат тышкак пурат.

8. Ит шолышт. Кашдашымше шүдымаш еныным йодде, шолып але шупшын налме деч чара. Мо тыйын огыл, тудым ит түкө. Кочшаш киндым шке вий-куат дене ыштен налман, үшанен пуымо пашам өрканыде

да шот дене ыштыман. Шке арверетлан да шке пашатлан уто акым йодман огыл.

9. Шойыштын, ең үмбаке ит ойло. Индешымше шүдымаш ең үмбаке ондален ойлаш, ең нерген шоям шараш чара. Шойыштмаш диаволлан гына келша. Ондалаш йөратыше айдемын шүм-чон моторлыкшо пыта, тудлан нигогай пашам үшанаш ок лий. Чыла шоя кунам-гынат почылтеш, тунам тыланет кок пачаш мутым кучаш логалеш.

10. Шке лишылетын ватыжым ит шоно, суртшылан, тарзыжлан, ушкалжылан, оселжылан, мо тыйын лишылетын уло, ниможланат ит көране. Луымшо шүдымашыште көранымаш нерген ойлалтеш. Вес ең чылажымат шке чын ылышыже, мастарлыкше дене ыштен налын гын, молан тидлан көранаш? Көранымаш шүмым лавырта, осал паша мартеат шуктен кертеш. Мыланна шке чон арулыкнам аралыман, шкенан мо сай улыжлан куаныман, Юмылан таум ыштыман. Енын ойгылан куаныман огыл, пиалан улмышт гоным нунын верч йывыртен моштыман.

Нине лу шүдымашын тўн негызшым Господь Иисус Христос кок тўшкаш ушен каласен:

– Господь Юметым уло шүмет, уло чонет, уло умылымашет дене йөроте. Тиде икымше да эн кугу кўштымаш. Кокымшыжат тыгаяк кугу: Лишылетымат шкендым йөратыме семынак йөроте. Мемнан пўтынь законна ден пророк-влакын туныктымашт нине кок кўштымашеш негызлалтыт (Мф.22,37-40).

Христосын поро пиалан лийшашлан туныктымьжо

Шкеныштым Юмын ончылно изилан ужшо-влак поро пиалан улыт: Пылпомыш Кугыжаныш – нунын.

Ойгырышо-влак поро пиалан улыт: нуно лыпландарыме лийыт.

Ўнышö-влак поро пиалан улыт: нуно уло мландым наследство семын налыт.

Көн кочмо-йүмө шумо семын чыным шуктымым ужмыжо шуэш, поро пиалан: тудо темеш.

Чаманыше-влак поро пиалан улыт: нуно чаманыме лийыт.

Яндар шүман-влак поро пиалан улыт: нуно Юмым ужыт.

Тыныслыкым кондышо-влак поро пиалан улыт: нуно Юмын шочшыжо-влак манын лүмдалтыт.

Чын ыштыме верч поктылмо-влак поро пиалан улыт: Пылпомыш Кугыжаныш – нунын.

Кунам тендам Мыланем көра вурсат, поктылыт да тендан нерген түрлө осал шоякым каласкалат, те поро пиалан улыда.

Куаныза да йывыртыза, пылпомышто тыланда кугу суап лиеш (Мф.5,3-12).

Молитва нерген

Молитва – тиде Юмо дене мутланымаш. Молитвам кугун пагален да тütкын лудаш күлеш. Ме тўням Пўрышö дене мутланена, да Тудо мемнам колыштеш манын, эре шарныман. Кажне кечын, эрдене да кастене,

чыла пашам коранден, христианин молитва лудмо правилым шукта да кечыгут молитва шўлыш дене илаш тырша. Святой-влакын молитваштым лудын, нунын семынак Юмым жаплаш тунемына. Нунын молитвашт Святой Шўлыш дене темше да мемнан деке Юмын чаманымашыжым савыра. Молитван мутшым шке шўм гыч лекше семын ойлаш кўлеш. Молитвам лудмо годым ушет весым шона гын, Господь деч прощенийым йодман да могай верыште весым шонаш тўналынат, тудо вер гыч уэш лудман. Молитва лудмо правилым эре шуктыман. Йогыланымым сенен, шкем пенгыдын кучышо христианин умыла: молитва мыланна юж гай кўлешан, вет тудо мемнам Юмо дене – илышын Памашыж дене – уша. Юмын чыла сайлыкше верч ме Тудым моктена, порылыкшо верч таум ыштена, мо кўлешым йодына. Мом кўлешанлан шотлена, тудым чыла йодаш лиеш, но йодмынам шукта але уке – тиде Юмын эрыкыштыже. Юмым йоратымынам кумалмына гоч ончыктена. Святой ача-шамыч чарныде кумалыныт, пашам ыштымышт годымат молитвам лудыныт, Юмым йораташ паша йоршынат ок мешае. Эр-кас чыла молитвам лудаш йөн уке гын, преподобный Серафим Саровскийын пуымо кўчык правилым шукташ лиеш. Тудын почеш эрдене, кечывалым да кастене кум гана Господь Юмылан молитвам («Отче наш»), кум гана Юмын Эн святой Аважлан мурым («Богородице Дево, радуйся») да ик гана Ёшанымашын символжым лудман. Кечывал марте ушышто эре Иисусын молитважым кучыман: «Господь Иисус Христос, Юмын

Эргыже, мыйым, сулыканым, серлаге». Кечывал гыч кас марте Юмын Авам сөрвалыман: «Юмым Шочыктышо Эн святой Ава, мемнам утаре».

Господь Юмылан молитва нерген

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

«**Пылпомышто улшо мемнан Ачана**» молитвам эше **Господьын молитваже** маныт, тудым Господь Иисус Христос тунемшыж-влаклан Шке пуэн (Мф. 6, 9–13, Лк. 11, 2–4). Тыште мемнан илышыште мо эн күлешаным да илышын тунг негызшым ончыктымо. Күчыкын тыгерак умылтараш лиеш: **Пылпомышто улшо мемнан Ачана** — тыге ме Юмым лүмдена, Тудым Ача манын, мландымбалысе илышлан веле огыл, а Ачанан илыме Пылпомышлан йөрышö лияш тыршымынам ончыктена. **Тыйын лүмет мокталтше** – Юмым тыге сөрвален, Тудын лүмжым чыла енат йоратен да кугун пагален ойлышт манын йодына. **Тыйын Кугыжанышет толжо** – Юмым мемнан көргыштö кугыжаланаш ұжына, Юмын Кугыжанышыже тек чылашт дене лиеш да чыланат Тудын святой законжо почеш илат. **Тыйын эрыкет мланде үмбалнат пылпомышысо гаяк лийже** – кузе Пылпомышто чылажат Юмын эрыкше почеш шукталтеш, мемнан илышыштат

чыла тыгак лийже. **Мемнан илышаш киндым, тачылыкым, мыланна пу** – тыге ме Юмо деч киндым да моло кочкышым веле огыл, илышыште мо кӱлешым йодына. Мо деч посна илаш ок лий, тышке чыла пура. Чонлан эн кӱлешан кочкыш – тиде черкысе службо да Таинстве-влак, Причастий, молитва лудмаш да шуко моло поро паша. **Кудалте мемнан язык-шамычнам, весе-шамычын мыланна ыштыме языкыштым кудалтымына гаяк** – тугеже, Юмо мемнан язык-шамычнам кудалтыже манын, весе-шамычын мыланна ыштыме языкыштым кудалтышаш улына, кӧ иктаж-могай осалым ыштен, тудым проститлыман, ветшкеже еным проститлен она керт гын, Юмо тыгак мемнамат ок проститле. **Языкышке мемнам ит пурто** манме шонымашат келге. Юмо мемнам языкыш ок пурто, Тудо мемнан ӱшанымашнам да ӱшанле улына але уке, тидым терген кертеш, тунам мемнан языкна да лушкыдылыкна почылтеш. **Осал дечын мемнам утаре** – чыла осалын озаже – диавол, да тыште ме тудын деч утараш йодына.

Ӱшанымашын символжо нерген

¹ Инанем чыла кучен Ашныше ик Ача Юмылан, пыл-помышым, мландым, чыла ужмынам да уждымынам Пӱрышылан. ² Юмо дечын шочшо Иктак веле Юмын Эргыже Господь Иисус Христослан, чыла курым дечат ожно улшо Ача Юмо дечын шочшылан. Волгыдогычын лекше Волгыдо улмыжлан. Чын Юмо дечын шочшо пӱрыдымӧ чын Юмо улмыжлан, Ачаж дене иктак улмыжлан, Тудын чыла пӱрымыжлан. ³ Мемнан

верчна, айдеме-шамычым, мемнам, утарышаш верч, Пылпомыш гычын волен, Святой Шўлышын куатше дене Мария лўман Ёдыр дечын капан айдеме лиймыжлан инанем. ⁴ Понтий Пилат улмо годым мемнан верчна ыресеш пудалалтме орлыкым чытен колымыжлан, тойымылан, ⁵ Юмын законышто каласыме гаяк, кумшо кечын ылыж кынелмыжлан. ⁶ Пылпомышко кўзен каен, Ача Юмын пурла мogyреш шичмыжлан инанем. ⁷ Илыше айдеме-шамычым, колышо айдеме-шамычымат судитлаш кугу чап дене вес гана толшашыжлан, Тудын Кугыжанышыже пытышашлык огыллан. ⁸ Адак Святой Шўлышын Илымашым пўрышў Юмо улмыжлан, Ача Юмо гычын лекмыжлан. Ача да Эрге Юмо дене иквереш моктен кумалаш кўлмылан. Пророк-шамыч гоч Тудын ойлымыжлан. ⁹ Апостол-шамычын мланде ўмбалне чыла иктеш туныктен кодымо Святой Черкылан. ¹⁰ Язык гычын эрыкталтшаш верч ик гана веле тынеш пурышашлан инанем. ¹¹ Ёшанен вучем колышо айдеме-шамычын ылыж кынелшашыштым, ¹² курымеш илышашымат. Аминь.

Ёшанымашын символжо – православный христиан веран кўчык да раш негызше. 12 ужаш гыч шогышо ты символ айдемын шке ёшанымашыжым почын ойлымо семын чоңалтын.

1. Инанем чыла кучен Ашныше ик Ача Юмылан, пылпомышым, мландым, чыла ужмынам да уждымынам Пўрышылан. Юмо икте, чылаж денат Тудо Шке вуйлата, тидлан Тудын эрыкше да властьше уло. Тудо пылпомышым, мландым, чыла ужмынам

да уждымынам Шке пүрен. Мыланна ужаш лийдыме тўня – духовный тўня.

2. Юмо дечын шочшо Иктак веле Юмын Эргыже Господь Иисус Христослан, чыла курым дечат ожно улшо Ача Юмо дечын шочшылан. Волгыдо гычын лекше Волгыдо улмыжлан. Чын Юмо дечын шочшо пүрыдымө чын Юмо улмыжлан, Ачаж дене иктак улмыжлан, Тудын чыла пүрымыжлан. Господь Иисус Христос — тугаяк Ик Юмо, Святой Троицын кокымшо Түсшө. Тудо чыла курым дечат ожно Ача Юмо дечын шочын, тунам эше жап лийын огыл. Тудо Волгыдо гыч лекше Волгыдо. Кузе кече деч тудын волгыдыжым ойыраш ок лий, тугак Ача Юмо деч Эрге Юмым – Господь Иисус Христосым – ойыраш ок лий. Тудо чын Юмо дечын шочшо чын Юмо. Ача Юмо Тудым айдеме да Суксо-шамыч семын пүрен огыл, а шочыктен, сандене Тудо Ачаж дене чылт иктак.

3. Мемнан верчна, айдеме-шамычым, мемнам, утарышаш верч, Пылпомыш гычын волен, Святой Шүлышын куатше дене Мария лүман Ёдыр дечын капан айдеме лиймыжлан инанем. Тудо мландымбаке айдеме тукумым утараш толын, ужаш лийдыме Святой Шүлыш Юмо деч да Яндар Ёдыр Мария деч капым налын, Айдеме лийын. Тудо иканаште Юмо да Айдеме, Юмын да айдемын пүртүсшө Тудын дене иктыш ушнен да ойыраш лийдыме лийын.

4. Понтий Пилат улмо годым мемнан верчна ыресеш пудалалтме орлыкым чытен колымыжлан, тойымылан. Мемнан сулыкна верч Господь

Иисус Христосым Ыресеш пудален пуштыныт. Тиде осал паша Иудей мландыште рим вуйлатыше Понтий Пилатын озаланымыж годым шукталтын. Господь Иисус Христос чот орланен колен да тойымо лийын.

5. Юмын законышто каласыме гаяк, кумшо кечын ылыж кынелмыжлан. Тидын лийшашыж нерген пророк-шамыч Библийын шуко книгаштыже ятыр курым ончыч ойленыт.

6. Пылпомышко күзен каен, Ача Юмын пурла мogyреш шичмыжлан инанем. Ылыж кынелмыж деч вара нылле кече жапыште Тудо Шке тунемшыж-влак дене ятыр гана пырля лийын, нуным туныктен, а нылымше кечын Пылпомышко капанак күзен каен да Ача Юмын пурла велешыже шинчын. Тудо Ачаж гаяк куатан, Тудым ынде Юмын Эрге семын веле огыл, тыгак Юмо да Айдеме семын пагалыман.

7. Илыше айдеме-шамычым, колышо айдеме-шамычымат судитлаш кугу чап дене вес гана толшашыжлан, Тудын Кугыжанышыже пытышашлык огыллан. Господь Иисус Христос мландымбаке кокымшо гана толеш да илыше-влакым веле огыл, колышо-влакымат судитлаш тўналеш, вет нуныжо тунам чылан ылыж кынелыт. Тудо кажныжым пашаж почеш акла, сулыкан-шамыч деч ойырен, шот дене илыше-шамычым чумыра да Шке Кугыжанышыжым ышта. Тиде Кугыжанышын мучашыже нигунам ок лий.

8. Адак Святой Шўлышын Илымашым пўрышö Юмо улмыжлан, Ача Юмо гычын лекмыжлан. Ача да Эрге Юмо дене иквереш моктен кумалаш

күлмылан. Пророк-шамыч гоч Тудын ойлымыжлан. Святой Троицын кумшо Түсшө – Святой Шүлыш – Илышым пүрышө Юмо. Тудо Ача Юмо гыч лектеш, Тудлан Ача да Эрге Юмо семьянак моктен кумалаш күлеш. Пророк ден апостол-шамыч гоч Святой Шүлыш ойлен, чыла священный книга-шамыч Тудын кумыланден вуйлатымыж почеш возымо улыт.

9. Апостол-шамычын мланде үмбалне чыла иктеш туныктен кодымо Святой Черкылан. Иисус Христосын вуйлатыме Святой Соборный Черке тунямбалне икте гына. Тудо апостол-шамыч гоч налме туныктымашым да Святой Шүлышын куатшым тичмашын арала.

10. Язык гычын эрыкталтшаш верч ик гана веле тынеш пурышашлан инанем. Сулык касаралтше да духовно уэш шочаш манын, ик гана Тынеш пураш күлеш. Черкыште моло Таинстве-влакат улыт. Нунын священный дейвийышт гоч айдемылан Святой Шүлышын порылыкшо пуалтеш.

11. Ёшанен вучем колышо айдеме-шамычын ылыж кынелшашыштым. Тугай жап толеш, кунам колышо-шамычын чонышт шке капышт дене ушнат, да ен-влак чылан ылыж кынелыт. Ылыж кынелше кап-влак духовный да колыдымо лийыт.

12. Курымеш илышашымат. Аминь. Колышо-шамыч ылыж кынелыт да нунылан Христосын Судшо лиеш, праведник-влаклан тунам поро пиалан илыш почылтеш. Юмо деке лишке улмыштлан көра нунын куанышт мучашдыме лиеш.



ПРАВОСЛАВНЫЙ ЧЕРКЫН КУМАЛМАШЫЖЕ ДА ТАИНСТВЫЖ-ВЛАК НЕРГЕН

Господь Иисус Христос каласен: «Тыгак тылан-да чынак ойлем: тендан кокла гыч кокытшо мланде ўмбалне иктаж-мо нерген сөрвалаш мутланен келша гын, Пылпомышсо Ачам мом йодмыштым чылажымат шукта, вет кушто Мыйын лўмемлан кōра коктын але кумытын погынат, тушто Мый нунын коклаште лиям». (Мф. 18, 19–20). Черке ден храмлаште ен-влак пырля кумалыт гын, нунын тўшкан лудмо молитвашт пеш келге да илыш виян лиш. Тыгай молитваште — Черкын кугу уш-акылже, йōратымашыже, йōратымашын иктеш ушышо пенгыдылыкше да Господын поро польшыжо.

Христиан кумалмашлан негызым Утарыше Господь Иисус Христос ден святой апостол-влак пыштеныт. **Тынеш пуримо Таинством** шукташ Иисус Христос Шке кўштен, Тудлан ўшаныше-влак шотышто апостол-шамычлан тыге каласен: «Кайыза да чыла калык-влакым туныктыза. Ача, Эрге да Святой Шўлыш лўмеш нуным тынеш пуртыза» (Мф. 28, 19). **Сулык касарыме Таинстве** нерген апостол Петрлан каласен: «Мый тыланет

Пылпомыш Кугыжанышын сравочшо-влакым пуэм. Мом тый мландымбалне пидат, пылпомыштат пидме лиеш, мом мландымбалне рудет, пылпомыштат рудымо лиеш» (Мф. 16, 19). Сулыкым касараш але уке, тыгай власть ончыч апостол-влаклан пуалтын, нунын гоч – священник-влаклан. Кас кочкишым ышташ шолып погынымышт годым **Причастий Таинством** шукташ сугыньлен коден: «Вара киндым налын, тауштен да тодылын, тунемшыж-влаклан пуэн да каласен: Тиде тендан верч пумыо Капем. Мыйым шарнен, тыге ыштыза» (Лк. 22, 19). Галилейысе Кана олаште сұаныште лиймыж дене Тудо **Мужыранмаш Таинством** святитлен. Апостол-шамычым служитлаш колтымышж дене Тудо **Священство Таинствылан** тўнгалтышым пыштен. Тыгак апостол-влаклан **Миропомазаний да Елеосвящений Таинстве-влакым** шукташ кўштен. Апостол-шамычын пашаштым шуйышо пастырь ден Черке туныктышо-влак христиан кумалмашым умбакыже саемденыт.

Тынеш пуримо Таинстве годым айдемын чыла сулыкшо касаралтеш, да тудо чын илышлан духовный куатым налеш. Тўрлў алгаштарымаш лийме годым айдеме, шонен шуде да опытшо укелан кўра адак сулыкым ышта. Сулык ваштареш христианин ўмыржў мучко кучедалеш, тидым ышташ тудлан Сулык касарыме Таинстве ден Причастий Таинстве полшат.

Сулык касарыме Таинстве годым христианин шке сулыкшым священник ончылно Юмылан почеш. Священник гоч Господь Иисус Христос Шкеак тудын сулыкшым касара.

Юмо тыйын сулыкетым касарыже манын, шке-ат ең-шамыч дене сӧрасышаш улат. Сулык ыштымет верч чот ӧкынаш да тидым шылтыде луктын каласаш кӱлеш. Ончыкыжым шке илышетым сай вельш вашталташ тыршыман, Христослан ўшанымаш да Тудын чаманымыжлан ўшан лийшаш.

Причастий Таинством ме марлаже эше Пырчес подылмо Таинстве манына. Святой Шӱлыш тиде Таинстве годым кинде ден йошкар аракам Христосын чын Капышкыже да чын Вӱрышкыжӧ савыра. Тудым кочкын да йӱын, ўшаныше ең умылаш лийдымын Христос дене ушна да курымашлык илышлан йӧрышӧ лиеш. Утарыше Христос ойлен: «Чынак, чынак тыланда ойлем: Айдеме Эргын Капшым огыда коч да Вӱржым огыда йӱ гын, тендан илышда ок лий. Кӧ Мыйын Капем кочкеш да Вӱрем йӱэш, тудын курымашлык илышыже уло, да пытаргыш кечын Мый тудым ылыжтем. Мыйын Капем – чынак кочкыш, Мыйын Вӱрем – чынак йӱыш. Мыйын Капем кочшо да Вӱрем йӱшӧ Мый денем ушнен шога, а Мый тудын дене ушнен шогем» (Ин. 6, 53–56). Ыресеш орланымыж деч ончыч Господь Иисус Христос апостол-шамычым ик пӧртыш поген, нунын дене кас кочкышым ыштен, тунам тиде Таинством негызлен да ончыкыжымат шукташ сугыньлен. (Мф. 26, 26–28; Мк. 14, 22–24; Лк. 22, 19–20). Святой Причастий Таинством шуктымо кумалмаш Литургий але Евхаристий (тауштымаш) маналтеш.

Причастий Таинствыш ушнаш шонышо ең пӱтым куча да молитва-шамычым лудеш. Кап яндарлыкым аралыман, шылым, шӧрым, муным кочман огыл,

такшат шагалрак кочкаш тыршыман. Эр-кас молитвам лудмо годым весым шоныман огыл, тўткө лийман. Кас службыш миен, сулыкым касарыман. Тидым эрдене, Литургий деч ончычат ышташ лиеш. Кас але эр молитва дене пырля Святой Причастийлан ямдылалтме правилым лудман. Черкыш кочде-йўде мийыман, черле отыл гын, пелйўд деч вара кочкаш-йўаш ок лий. Святитель Тихон Задонский тыге туныктен: «Причастий деч ончыч шке сулыкет верч уло чонет дене өкыно, ўнышем, шке шыдет да осал кумылшупшмашет деч коран, лишыл ен-шамыч дене сөрасе, Иисус Христос дене ушнен, шот дене илаш чот кумылан».

Преподобный Амвросий Оптинский ойлен: «Пырчесым подылмо деч вара Юмындарым шот дене ара-лаш полшыжо манын, Господьым сөрвале. Ончычсо сулыкыш уэш пөртылаш огыл манын, Господь деч польшым йод. Христосын Капше ден Вўржым көргышкына сулыкыш пурыде ўшан дене налына гын, тушман мемнан ваштареш осалым ыштен ок керт. Пырчесым подылмет тичмашын шукталтше манын, ты Таинствыш сулыкет верч өкынен тол, тудым чон почын луктын ойло да ончыкыжым тудын деч коранаш тырше, тыгак тыйым шўлыкандыше ен дене сөрасе, тудым проститле, вуеш налмашым чоныштет ит кучо».

Генералиссимус А. В. Суворовын руш сарзе-влаклан сугыньмутшо!

Чудо-патыр-влак, те Шочмо элнан тыныслыкше, ўшанже да чапше улыда. Юмо мемнан дене пырля. Юмылан кумалза: сенымаш – Тудын деч. «Юмын Ава,

мемнам утаре! Святитель Николай ачана, мемнан верч Юмым сөрвале!» – нине молитва деч посна саркуралым ида кучо, оружийым ида викте, нимом ида тўнал. Чыла пашалан Юмын суапландарымыжым йодса. Уто чаплым кычалме деч, пайрем илишым йөратыме да шкалан пайдам налме деч коранза. Чыным шуктымо да порым ыштыме дене моктымашым сулыза. Көргө шўлышдам православный ўшанымаш дене пентгыдемдыза. Юмылан ўшаныдыме войскам туныктымаш – рўданше күртнбым шумаш төчымө дене иктак. Юмын властыым пагалыде, мландымбалысе властыым пагалыше ег – вождымо пушенге. Кугу пагалымашым эн ончыч Пылпомышлан ончыктыза, вара – мландылан. Чын моктымашым йөратыза. Порым ыштыме дене сулен налме чапым так арам кугешнымаш деч ойырен моштыза. Весе-шамычын йонгылышыштым вашке проститлен моштыза, но шке йонгылышдам шкеак нигунам ида проститле. Шкендам сенен кертыда гын, моылан сенаш лийдыме лийыда. Тушман кеч-могай гынат, тудым ўлык ида шынде. Сай сарзын ойыртемже тыгай: салтак – лўддымө, офицер – чолга, полководец – патырле. Чыланат порядкым да дисциплиным кучышо, эре ямде улшо, ончык ужын моштышо лийшаш улыт. Частьдам шке ешланда шотлыза, вуйлатышым – ачада олмеш, а йолташ-влакым – шочмо иза-шольыда семын ужса. Йол йолым вияным ышта, кид кидллан куатым пуа. Салтак тыныс жапыштат сарыште улмогай лийшаш. Чылажымат тичмашнек ужын моштыза. Сарзе ончалтыш эн тўткө да чын.

ВУЙЛЫМАШ

Кредалмаш деч ончыч лудмо молитва-влак.....3

Ыреслан тропарь, 1-ше сем.....	3
Ыреслан кондак, 4-ше сем.....	3
Тропарь-влак, 6-шо сем.....	3
Кредалмаш деч ончыч воиннын лудмо молитваже-влак.....	4
Кредалмаш деч вара Господьлан таум ыштгеме молитва.....	4
Юмын Эн святой Аважлан кондак, 8-ше сем.....	5

Тушман керылтме да орлык годым лудмо молитва.....6

Тропарь, 4-ше сем.....	6
Кондак, 8-ше сем.....	6
90 -шо псалом.....	6
Господьын Кугун пагалыме Ыресшылан молитва.....	7
Господьын Ыресшылан стихир-влак.....	8
Шочмо эл да сарзе-влак верч молитва.....	9
Великомученик Феодор Стратилатын молитваже.....	9
Сырен илыше-влакын сӧрасымышт верч Господьлан молитва.....	10
Господь деч чытымашым йодмо молитва.....	10
Алгаштарымаш але ойго годым преподобный Симеон Новый Богословын молитваже.....	11
Шужымаш годым пророк Илиалан молитва.....	11

Эр молитва-влак.....12

Святой Шӱлышлан молитва.....	12
Трисвятой.....	12
Эн святой Троицылан молитва.....	12
Господь Юмылан молитва (Отче наш).....	13
Троичный тропарь-влак.....	13
Эн святой Троицылан молитва.....	14
50-ше псалом.....	14
Ӱшанымашын символжо.....	16
1-ше молитва – святой Макарий Великийын.....	17
2-шо молитва – тудо святойынак.....	17
3-шо молитва – тудо святойынак.....	18
Святой Василий Великийын молитваже.....	18
Аралыше Суксылан молитва.....	19
Юмым Шочыктышо Эн святой Авалан молитва.....	19
Святой угодниклан (кӧн лӱмжым нумалына) молитва.....	20
Юмын Эн святой Аважлан муро, 4-ше сем.....	20
Ыреслан тропарь, 1-ше сем.....	20
Илыше-влак верч молитва.....	21
Кольшо-влак верч молитва.....	21
Пытаргыш молитва (Достойно есть).....	21

Кас молитва-влак.....22

Господь Юмылан молитва (Отче наш).....	23
Тропарь-влак, 6-шо сем.....	23
Ача Юмылан святой Макарий Великийын молитваже.....	24
Мемнан Господь Иисус Христослан святой Антиохын молитваже.....	24
Эн святой Шӱлышлан молитва.....	25
Молитва.....	26

Святой Иоанн Златоустын молитваже (кечын да йўдын шагатше улмо семын 24молитва).....	27
Юмын Шочыктышо Эн святой Авалан молитва.....	28
Аралыше святой Суксылан молитва.....	28
Юмын Авалан кондак, 8-ше сем.....	29
Святой Иоанникийын молитваже.....	29
Молитва.....	31
Малаш вочмо деч ончыч ойло:.....	31

Святой Причастийлан ямдылалтме молитва-влак.....32

Святой Иоанн Златоустын I молитваже.....	32
Святой Иоанн Златоустын II молитваже.....	32
Святой Иоанн Златоустын III молитваже.....	33
Святой Иоанн Златоустын IV молитваже.....	34

Святой Причастий деч вара таум ыштыме молитва-влак.....35

Таум ыштыме молитва.....	35
--------------------------	----

Святой-шамычлан молитва-влак.....38

Юмын Архистратигше Михаиллан молитва.....	38
Мученик Иоанн Воинлан молитва.....	38
Кугун орланыше Георгий Победоносецлан молитва.....	39
Кугун орланыше Анастасия Узорешительницылан молитва.....	40
Кугун орланыше Варваралан молитва.....	40
Святитель Николай Чудотворецлан молитва.....	41
Российысе благоверный князь Борис ден Глеб страсотерпец-влаклан молитва.....	41
Святой благоверный кугу князь Александр Невскийлан молитва.....	42
Святой благоверный кугу князь Димитрий Донскойлан молитва.....	43
Святой праведный воин Феодор Ушаковлан молитва.....	44

Тўрлөмолитва-влак.....45

Тропарь, 5-ше сем.....	45
Христосын Шочмо кечыжлан.....	45
Иисуслан молитва.....	45
Преподобный Ефрем Сиринын молитваже.....	45
Поро пашам тўналме годым Юмын польшым йодмо молитва-влак.....	46
Чыла поро паша деч вара лудмо молитва.....	46
Кочкаш шичме деч ончыч Господь Юмылан молитва.....	46
Кочмо деч вара таум ыштыме молитва.....	47
Оптинысе старец-влакын молитвашт.....	47
Ача-ава-влак верч молитва.....	48
Шочшо-влак верч молитва.....	48
Сарзын кажне кечын лудмо молитваже.....	48
Кугу сарыште Сенгымаш кече лўмеш Господь Юмылан молитва.....	49
Пленыште да петырымаште улшо-влак верч.....	50
Пленыште улшо-влакым утарышаш верч Господьлан молитва.....	51
Корнышто улшо-влак верч молитва.....	51
Водительын молитваже.....	52

Черле-шамыч верч молитва-влак.....53

Тропарь-влак.....	53
Господьлан I-ше молитва.....	54

Господь Юмылан 2-шо молитва	54
Черланьме годым Господьлан молитва	55
Юмын Авалан молитва	55
Святой паремдыше-влаклан молитва.....	56
Сусыргымо да орланьме годым мученик Евтропий Воинын молитваже.....	57
Колышо-шамыч верч молитва-влак.....	58
Кондак, 8-ше сем	58
Колышо-влак верч лития гыч молитва-влак.....	58
Колышо ача-ава верч молитва.....	59
Тынеш пурыде, сулыкым касарыде колышо але шкенышттым шке пытарыше-влак верч преподобный Лев Оптинскийын молитваже	60
Мемнан ўшанымашна нерген.....	61
Юмын шўдымашыже-влак (Исход, 20: 2-17).....	61
Христосын поро пиалан лийшашлан туныктымьжо	65
Молитва нерген.....	65
Господь Юмылан молитва нерген.....	67
Ўшанымашын символжо нерген.....	68
Православный Черкын кумалмашыже да Таинствыж-влак нерген.....	73
Генералиссимус А. В. Суворовын руш сарзе-влаклан сугыньмутшо!.....	76

ВОИНЫН МОЛИТВОСЛОВШО

На марийском (луговом) языке

МОЛИТВОСЛОВ ВОИНА

Ответственный за выпуск
протоиерей Николай Чузаев

Бумага офсетная. Тираж экз. Заказ №
Отпечатано в типографии «».